

*Pákén Enjil cha*

## Markásay

*kalamá*

### Markásay Enjilay pajjár

É ketábay nebisók, Markás, Issá Masihay morid Shamun Petrosay sangat o cha bongéji kelisáay báwarmandán yakké at. Kásedáni Káray ketábá, lahtén jágahá Markásay nám átkag ke Petros o Pulosay sangat ent. Báwar esh ent, hamá wahdá ke Markás, Petros o Pulosay hamráhiá Rumay shahrá nendók butag, áia pa Rumay shahray jahmenendén darkawmán é ketáb nebeshtag. Lahtén zántkáráni hayál hamesh ent ke Markásá, Issáay bárawá bázén yáddáshté cha Petrosá zortag.

Chárén Enjiláni tahá, Markásay ketáb cha á degarán gwandhter ent. É ketábá, Issá Masihay Hodáwandi, cha áiy mójezah o hayrán kanókén kárán pésh dárag butag.

Markásay Enjilá, mardománi démá Issáay áyag, Jalilay damagá áiy tálím o kár, dém pa Urshalimá rawagay wahdá áiy dátagén sar o sój, Urshalimá áiy goddhi rócháni sargwast, mark o zendag bayag nebisag butagant.

### Pákshódókén Yahyáay kolaw

*(Mattá 3:1–12; Luká 3:1–18; Yuhanná 1:19–28)*

**1**<sup>1</sup> Issá Masih, Hodáay Chokkay wasshén mestágay<sup>a</sup> bongéj<sup>b</sup> o shoruhát.

<sup>2</sup> Anchosh ke Eshayá Nabiay Ketábá nebeshtah ent:

*Man wati kásedá cha taw pésar ráha dayán*

*ke á, tai ráhá tachk o tayára kant.*

<sup>3</sup> Gyábáná, kasé gwánka<sup>c</sup> jant:

*Hodáwanday ráhá tayár o*

*áiy keshká rást o tachk bekanét.<sup>d</sup>*

<sup>4</sup> Pákshódókén Yahyá gyábáná záher but o gwánki jat: “Cha wati gonáhán pashómán bebét<sup>e</sup> o pákshódi bekanét ke bakshaga bét.”<sup>5</sup> Mardom, cha Yahudiahay sajjahén métag o kallagán o cha Urshalimay shahrá áiy kerrá shotant. Wati gonáháni pashómániesh záhera kort o Yahyáyá Ordonay kawrá pákshódia dátant.<sup>f</sup> <sup>6</sup> Yahyáyá cha oshteray pothán gwaptagén póshák gwará at o póstén kamarbandé lánká bastagat. Áia, madag o gyábáni bénaga<sup>g</sup> wárt. <sup>7</sup> Yahyáyá jára jat o gwashiti: “Cha man o rand, mardé kayt ke cha man báz zórakter ent o maná é láheki ham nést kóndhán bekapán o áiy kawshbandán bebóján. <sup>8</sup> Man shomará gón ápá pákshódia dayán, bale á shomará gón Hodáay Pákén Ruhá<sup>h</sup> pákshódia dant.”

### Issáay pákshódi o chakkás

*(Mattá 3:13–4:11; Luká 3:21–22; 4:1–13)*

<sup>9</sup> Á róchán, Issá cha Jalilay damagay shahr Náserahá átk o Ordonay kawrá Yahyáay dastá pákshódi dayag but. <sup>10</sup> Anchosh ke á cha ápá dar áyagá at, disti ke ásmánay dap pach but o Hodáay Pákén Ruh kapótéay dróshomá<sup>i</sup> átk o áiy sará ér nesht. <sup>11</sup> Cha ásmáná é tawár átk: “Taw mani dóstén Bacch ay o man cha taw báz wassh o razá án.”

<sup>a</sup>1:1 Mestág, bezán wasshén hál, beshárat.

<sup>b</sup>1:1 Bongéj, bezán bendát, shoru.

<sup>c</sup>1:3 Gwánk, bezán borzén tawár.

<sup>d</sup>1:3 Band 2–3, bechár Maláki Nabiay Ketáb, bahr 3, band 1; Eshayá Nabiay Ketáb, bahr 40, band 3.

<sup>e</sup>1:4 Pashómán bayag, bezán tawbah kanag.

<sup>f</sup>1:5 É Yahyá at ke pákshódia dátí.

<sup>g</sup>1:6 Bénag, bezán asal.

<sup>h</sup>1:8 Hodáay Pákén Ruh, bezán Ruholkodos.

<sup>i</sup>1:10 Dróshom, bezán shekl.

<sup>12</sup>Hamá wahdá Pákén Ruhá Issá gyábáná rawán dát.<sup>j</sup> <sup>13</sup>Á, tán chel róchá gyábáná mant o Shaytán áiá báz chakkásagá<sup>k</sup> at. Ódá jangali jánwar ham gón áiá hór atant o préshtagán pa áiá hezmata kort.

### Chár máhigiray lótháénag

(*Mattá 4:12–22; Luká 4:14–15; 5:1–11*)

<sup>14</sup>Cha Yahyáay dazgir kanagá rand, Issá Jalilá shot o Hodáay bádsháhiay wasshén mestágay jári jat o <sup>15</sup>gwashti: “Wahd átkag o rasetag. Hodáay bádsháhi nazzik ent. Nun pa del cha wati gonáhán pashómán bebét o Hodáay wasshén mestágay sará báwar bekanét.” <sup>16</sup>Issá, Jalilay mazangwarmay<sup>l</sup> lambá<sup>m</sup> rawagá at ke do máhigiri dist, Shamun o áiy brát Andriás, ke pa máhigiriá wati dám o máhórán gwarmá chér géjagá atant. <sup>17</sup>Issáyá gón áyán gwasht: “Byáét, mani randgiriá bekanét o man shomará anchosha kanán ke máhig geragay badalá, mardománi delá shekár bekanét.”<sup>n</sup> <sup>18</sup>Áyán hamá damáná wati dám yalah dát o áiy hamráh butant. <sup>19</sup>Kammé démá shotagat ke Zebdiay chokk, Ákub o áiy brát Yuhannái distant, ke bójigá<sup>o</sup> neshtagatant o wati dám o máhórán sráchag<sup>p</sup> o sharr kanagá atant. <sup>20</sup>Anchosh ke Issáyá á distant, gwánki jatant. Á doénán, wati pet Zebdi gón kárendahán bójigá yalah dát o Issáyay hamráh butant.

### Ganókéay jennay kasshag

(*Luká 4:31–37*)

<sup>21</sup>Issá o áiy morid Kaparnáhumay shahrá shotant. Shabbatay róchá<sup>q</sup> Issá kanisahá<sup>r</sup> shot o mardomi tálím dátant. <sup>22</sup>Mardom cha áiy dars o sabakán hayrán atant, chiá ke áiá Sharyatay zánógeráni<sup>s</sup> paymá darsa nadát, gón wák o ehtiáré dars o tálíma dát. <sup>23</sup>Hamé wahdá, kanisahay tahá yak mardéa ke áiá jenné per at, kukkár kanáná gwasht: <sup>24</sup>“Oo Issá Náseri! Tará gón má che kár ent? Átkagay ke mará gár o tabáh bekanay? Mana zánán taw kay ay, taw Hodáay gechén kortagén hamá Pákén ay.” <sup>25</sup>Issáyá jenn hakkal dát o gwashti: “Wati dapá bedár o é mardá yalah day.” <sup>26</sup>Jenná á mard sakk pretk o zhámbalént<sup>t</sup> o kukkár kanán cha áiá dar átk. <sup>27</sup>Mardomán pa hayráni watmánwatá gwasht: “É chónén habaré? Gwashay nókén tálím ant, gón choshén wák o ehtiáré ke jennán ham hokma dant o jenn ham áiy habará mannant.” <sup>28</sup>Dér nagwast ke Jalilay sajjahén kerr o gwarán, Issáyá nám dar áwort.

### Nádráháni drahbakshi<sup>u</sup>

(*Mattá 8:14–17; Luká 4:38–41*)

<sup>29</sup>Issá, anchosh ke cha kanisahá dar kapt, Ákub o Yuhannáay hamráhiá Shamun o Andriásay lógá shot. <sup>30</sup>Ódá, Shamunay wassig tapig at o nepáday sará waptagat. Anchosh ke Issá lógá átk, nádráhay hálesh dát, <sup>31</sup>Issá nazziká shot, áiy dasti gept o pádi kort. Áiy tap kapt, wassh but o áyáni hezmat kanagá lagget.

<sup>32</sup>Bégáhá rónendá<sup>v</sup> rand, mardomán wati nádráh ke áyáni nyámá<sup>w</sup> ganók o jenni ham hastat, Issáyay kerrá áwortant. <sup>33</sup>Shahray sajjahén mardom, lógay dapá mocch butant. <sup>34</sup>Issáyá bázéné dráh kort ke dhawl dhawlén nádráhián geptagatant o bázén ganókáni jenni kasshetant, áiá jenn pa habará naeshtant, chiá ke jennán á pajjáha áwort.<sup>x</sup>

<sup>j</sup>1:12 É Pákén Ruh at ke Issái rawán dát.

<sup>k</sup>1:13 Chakkásag, bezán ázmáesh kanag, emtehán gerag.

<sup>l</sup>1:16 Mazangwarm, bezán daryáchah.

<sup>m</sup>1:16 Lamb, bezán dámon, kerr.

<sup>n</sup>1:17 Delay shekár kanagay maksad mardomán Hodáay ráhá árag ent.

<sup>o</sup>1:19 Bójig, bezán lánch, yakdár, kashti.

<sup>p</sup>1:19 Sráchag, bezán dámay dóchag o addh kanag.

<sup>q</sup>1:21 Shabbatay róch, hamá Shambeh ent, bezán Yahudiáni kár nakanagay róch.

<sup>r</sup>1:21 Kanisah, bezán Yahudiáni parasteshgáh.

<sup>s</sup>1:22 Sharyatay zánóger, bezán dini álem o Sharyatay zántkár.

<sup>t</sup>1:26 Zhámbalénag, bezán chizéay gerag o pa trondi sorénag o larzénag.

<sup>u</sup>1:28 Drahbakshi, bezán dráhi o salámatíay bakshag, Arabi o Pársiá “shafá”.

<sup>v</sup>1:32 Rónend, bezán hamá némag ke rócha nendit, magreb.

<sup>w</sup>1:32 Nyámá, bezán myáná, darnyámá, tahá, tóká.

<sup>x</sup>1:34 É jenn atant ke Issáesh pajjáh áwort.

Hodáwand ham áyáni hamráh at o áiá gón bázén mójezah o ajabbatén neshánián, wati habaráni barhakki, rást o paddar kort.<sup>d</sup>

<sup>d</sup>16:20 Lahtén daznebeshtá, nohomi tán bistomi band néstant.

### Issáay kabr o kapon

(Mattá 27:57–61; Luká 23:50–56; Yuhanná 19:38–42)

<sup>42</sup> Á róch, Jomahay róch at o mardom, pa Shabbatay róchay árám kanagá, watá tayár kanagá atant. <sup>43</sup> Issop námén mardé ke Arimátiáay shahray nendók at, sarókáni diwánay ezzatmandén báské at o wat ham Hodáay bádsháhiay rahchár o wadárig at. Jomahay bégáhá Pilátusay kerrá shot o gón bahádorri o deléri, Issáay jónay baragay ejázati lóthet.

<sup>44</sup> Wahdé Pilátus sahig but Issá chó zut mortag, hayrán o habakkah mant o pawjiáni masteri lóthet tán bezánt ke Issá mortag yá na? <sup>45</sup> Pawjiáni masteray sajjahén hál o habaráni eshkonagá rand, Issáay jónay baragay ejázati dát. <sup>46</sup> Issopá, godé bahá gept o áwort, áiy jón cha salibá ér gétk o hamá goday tahá kapon kort. Kabréay tahá ke cha pésará cha talará tráshag o tayár kanag butagat, Issái kabr kort o mazanén dhóké léth dayáná kabray dapá ér kort. <sup>47</sup> Maryam Majdaliah o Yusháay mát Maryam, har doénán dist ke áesh kojá kall kort.

### Issáay jáh janag

(Mattá 28:1–10; Luká 24:1–12; Yuhanná 20:1–10)

**16** <sup>1</sup> Wahdé Shabbatay róch halás but, Maryam Majdaliah, Ákubay mát Maryam o Sálumahá, washbóén dárú gept ke Issáay jóná charp kanant. <sup>2</sup> Yakshambehay<sup>c</sup> bámgwáhá, dém pa Issáay kabray sará shotant. <sup>3</sup> Ráhá, watmánwat habar kanagá atant ke: “báren, kabray dapay dhóká, kay pa má léthénit o dura kant?” <sup>4</sup> Bale wahdé nazzik rasetant distesh dhók, ke sakk mazan at, léthénag butag. <sup>5</sup> Kabrá ke potertant, distesh ke rástén némagá yak espétpóshén warnáé neshtag. Cha áiy gendagá, sakk hayrán o habakkah mantant. <sup>6</sup> Warnáyá gwasht: “Matorsét, shomá Issá Náseriay shóházá ét ke salib kasshag butag. Á zendag butag, jáhi jatag o edá naent. Becháret, é hamá jágah ent ke edá áiy jón ér at. <sup>7</sup> Nun shomá berawét, Petros o á dega moridán sahig kanét ke Issá cha shomá pésar, Jalilá rawt. Anchosh ke wat shomará gwashtagati, hamódá áiy gendét.” <sup>8</sup> Janén dar átk o cha kabray sará jestant. Á cha torsá larzag o drahgá atant. Paméshká, gón hechkasá habaresh nakort.

### Issáay záher bayag

(Luká 24:13–35; Yuhanná 20:11–18)

<sup>9</sup> Yakshambehay sabáhá máhallah, cha wati jáh janagá rand, Issá cha sajjahénán pésar, Maryam Majdaliahay démá paddar but. É hamá Maryam ent ke Issáyá cha áiyá hapt jenn kasshetagat. <sup>10</sup> Á shot o Issáay gréwán o paréshánén moridi mestág dátant ke: “Man Issá distag.” <sup>11</sup> Bale é habar ke Issá zendag butag o Maryamá distag, áyán báwar nakort.

<sup>12</sup> Randá, Issá dega shekl o dróshoméá, do moriday démá záher but ke dém pa yak kallagéá rawagá atant. <sup>13</sup> Á, padá átkant o é dega moridesh hál dátant, bale áyán ham báwar nakort.

### Issá pa wati yázdahén moridán záhera bit

(Mattá 28:16–20; Luká 24:36–49; Yuhanná 20:19–23; Kásedáni Kár 1:6–8)

<sup>14</sup> Randá, á wati yázdahén moridáni démá, hamá wahdá átk o záher but ke á warák waragá atant. Issáyá, pa áyáni kambáwari o sengdeliá, á mayárig kortant chiá ke áyán á mardománi habar báwar nakortagat ke Issáesh cha jáh janagá rand distagat. <sup>15</sup> Gón áyán gwashti: “Shomá donyáay sajjahén kawmáni kerrá berawét o wasshén mestágá sar kanét. <sup>16</sup> Harkas ke mani sará báwara kant o pákshódia kant, á rakkít. Bale kasé ke mani sará báwara nakant, mayáriga bit. <sup>17</sup> Báwarmandán, é nesháni góna bant: mani námay sará, jennán cha mardomána kasshant, nók nókén zobánán habara kanant, <sup>18</sup> márán pa dasta gerant o agan zahrnákén chiz ham bwarant, áyán hech parwáha nabít. Gón báwarmandáni dast per moshagá, nádráh wassh o dráha bant.”

### Issá ásmáná rawt

(Luká 24:50–53; Kásedáni Kár 1:9–11)

<sup>19</sup> Anchosh ke Hodáwandén Issáyá gón áyán wati habar halás kortant, ásmáná barag but o Hodáay rástén némagá nesht. <sup>20</sup> Morid, pa áiy mestágay sheng o tálán kanagá, har molk o shahrá shotant o

### Enjilay wasshén mestágay jár

(Luká 4:42–44)

<sup>35</sup> Sabáhá máhallah ke angat tahár at, Issá pád átk, cha lógá dar kapt, yak gestáh<sup>y</sup> o panáhén jágahéá shot o dwái kort. <sup>36</sup> Shamun o áiy hamráh pa Issáay shóházá dar kaptant. <sup>37</sup> Wahdé Issáesh dist, gón áiy gwashtesh: “Sajjahén mardom tará shóház kanagá ant.” <sup>38</sup> Issáyá gwasht: “Byáét dega némagéá berawén, dém pa kerr o gwaray halk o hankénán, tánke man wasshén mestágá berasénán, chiá ke man pa hamé kárá átkagán.” <sup>39</sup> Gorhá, sajjahén Jalilá tarr o tábi kort, kanisaháni tahá wasshén mestági jár jat o jenniáni jenni ham kasshet o dar kortant.

### Garriéay drahbakshi

(Mattá 8:1–4; Luká 5:12–16)

<sup>40</sup> Yak mardé, ke áiy syahgarr<sup>z</sup> at Issáay kerrá átk, kóndhán kapt, dazbandi kort o gwashti: “Agan taw belóthay, maná wassh o palgár korta kanay.” <sup>41</sup> Issáyá áiy sará báz bazzag but, dasti shahárt o á mardi dast per mosht o gwashti: “Mana lóthán, wassh o palgár bay.” <sup>42</sup> Hamá damáná á mard cha syahgarrá dráh but. <sup>43</sup> Roksat kanagay wahdá, Issáyá kaddhan<sup>a</sup> kort o gwasht: <sup>44</sup> “Hozhár bay. Hechkasá cha é habar o hálá sahig makan. Bale beraw, watá dini péshwáyá pésh bedár o pa wati pák o palgáriá, hamá korbánig ke Mussáay Sharyatá nebisag butag, hayráti bekan tánke pa áyán gwáh o sháhedíé bebit.” <sup>45</sup> Bale á mard ke cha ódá dar kapt, wati drahbakshiy habari har jáh sheng o tálán kort. Cha é sawabá, nun Issáyá sarzáherá, hech shahréá shota nakort, dasht o gyábán o gestáhén jágahána tarret. Bale angat mardom cha har némagá áiy kerrá átkant.

### Lang o mondhén mardéay drahbakshi

(Mattá 9:1–8; Luká 5:17–26)

**2** <sup>1</sup> Lahtén róchá o rand, Issá padá Kaparnáhumá átk o é habar sheng o tálán but ke á lógá ent. <sup>2</sup> Gorhá, haminkadar mardom átk o mocch but ke lógay dapá, óshtagay jágah ham néstat. Issá Hodáay habarán mahluká dars o sabak dayagá at. <sup>3</sup> Hamá damáná, chár mardom yak lang o mondhén mardé áiy kerrá áragá at, <sup>4</sup> bale cha mardománi bázén mocchiá, mondhesh Issáay nazziká áwort nakort. Paméshká, lógay sará sar kaptant, lógay saresh thong kort o mondhesh gón nepádá, jahl ér dát. <sup>5</sup> Issáyá ke áyáni setk o báwar dist, gón langá gwashti: “Oo mani chokk! Tai gonáh bakshag butant.” <sup>6</sup> Bale Sharyatay lahtén zánóger ke ódá neshtagat, wati delá gwashtesh: <sup>7</sup> “Á pa ché chosha gwashit? É kopré. Abéd cha<sup>b</sup> Hodáay jendá, dega kass gonáhán pahell kort o baksheta nakant.”

<sup>8</sup> Harché ke áyáni delá at, Issáyá hamá damáná zánt o gwashti: “Shomá pa ché wati delá choshén hayála kanét. <sup>9</sup> Wat begwashét, gón é langá kojám habar ásanter ent: “Tai gonáh bakshag butagant’ yá: ‘Pád á, wati nepádán bezur o beraw?’ <sup>10</sup> Bale man paméshká é habar kort tán shomá bezánét, man ke Ensánay Chokk án,<sup>c</sup> maná é donyáyá gonáháni pahell kanagay wák o ehtiár hast.” Padá gón á langá gwashti: <sup>11</sup> “Tará gwashán, pád á, wati nepádán bezur o lógá beraw.” <sup>12</sup> Gorhá mard sajjahénáni démá pád átk, wati nepádi zortant o dhanná dar but. Sajjahén mardom hayrán butant, Hodáesh satá kort o sárhát<sup>d</sup> o gwashtesh: “Má choshén kár hechbar nadistagat.”

### Láwiay lóthéanag

(Mattá 9:9–13; Luká 5:27–32)

<sup>13</sup> Issá, padá gwarmay lambá shot. Mardománi mazanén rombé áiy kerrá átk, Issáyá á mardom tálím o sabak dátant. <sup>14</sup> Anchosh ke Issá ráhá rawagá at, Halpiay chokk Láwii dist ke song<sup>e</sup> o

<sup>y</sup>1:35 Gestáh, bezán yak kerr, dur.

<sup>z</sup>1:40 Asligén Yunáni zobánay labz, pa syahgarr o bag, bezán jozám o pa dega tahr tahrén garrán ham kár bandaga bit.

<sup>a</sup>1:43 Kaddhan, bezán mohrén tákid, hokm.

<sup>b</sup>2:7 Abéd cha, bezán gayr cha.

<sup>c</sup>2:10 Dániál nabíé é pernám pa yak hastiéá kár bastag ke á cha ásmáná kayt. Issá Masihá é pernám pa wat zortag tán mardom bezánant ke á cha ásmáná átkag o hamá wádah dátagén Masih ent.

<sup>d</sup>2:12 Sárháayag, bezán satá kanag.

<sup>e</sup>2:14 Song, bezán máliát, thayks.

<sup>c</sup>16:2 Asligén Yunáni nebeshtánka gwashtit: “haptagay awali róchay”.

máliát geragay jágahá neshtagat. Gón áiá gwashti: “Byá, mani randgiriá bekan.” Á pád átk o Issáay hamráh but.

<sup>15</sup> Wahdé Issá Láwiay lógá pa waragá neshtagat, dega bázén songi o máliátgir o gonahkárén mardomé gón Issá o áiy moridán nán waragá at.<sup>f</sup> Chiá ke bázéné áiy mannók at. <sup>16</sup> Sharyatay Parisi zánógerán, wahdé Issá gón é dhawléen mardomán yakjáh waragá dist, gón Issáay moridán gwashtesh: “Á pa ché gón songi o gonahkárán hór neshtag o waragá ent?” <sup>17</sup> E habaráni eshkonagá rand, Issáyá gwasht: “Dráh o salámatén mardomán, dáktar pakár naent, nádráhn dáktar pakár ent. Man pa pahrézkárán nayátkgán, gonahkáráni lóthag o gwánk janagá átkagán.”

### Róchagay bárawá

(*Mattá 9:14–17; Luká 5:33–39*)

<sup>18</sup> Yahyáay morid o Parisi róchag atant. Nun mardom Issáay Kerrá átkant o jostesh kort: “Chiá chosh ent ke Yahyá o Parisiáni morid róchaga dárant, bale tai morid róchaga nabant?” <sup>19</sup> Issáyá é jost gón yak mesálé chosh passaw<sup>8</sup> dát: “Sur o árósay mehmán, tán sálónk neshtag, róchag buta kanant? Na, tánke sálónk gón áyán gón ent, róchaga nabant. <sup>20</sup> Bale á rócha kayt ke sálónk cha áyán jetá kanaga bit, gorhá á róchaga dárant. <sup>21</sup> Hechkas cha nókén godéá chondhé naderrit o kwahnén pashká pacch o pinaga najant, chiá ke nókén goday pacch nazza kayt o kwahnén pashká géshtera derrit. <sup>22</sup> Hechkas ham nókén sharábá, kwahnén zekkán<sup>h</sup> mána nakant, chiá ke nókén sharáb, zekkána trákénit o derrit. Zekk o sharáb, har do zawála bant. Nókén sharábá, nókén zekkán mána kanant.”

### Issá Shabbatay wájah o wáhond ent

(*Mattá 12:1–8; Luká 6:1–5*)

<sup>23</sup> Shabbatay róché, Issá cha gandomi kesharán gwazagá at. Áiy moridán ráh rawájaká cha á kesharán lahtén hóshag sest. <sup>24</sup> Parisián gón Issáyá gwasht: “Bechár, chiá tai morid Shabbatay róchá anchén kára kanant ke rawá naent?” <sup>25</sup> Issáyá gwasht: “Záná, shomá nawántag, wahdé Dáud o áiy hamráh shodig butant o áyán chizé pa waragá néstat, gorhá Dáudá ché kort? <sup>26</sup> Masterén dini péshwá Ábyátaray zamánagá, Dáud Hodáay Pákén Lógá shot o wat gón hamráhán Hodáay námá hamá hayráti o pákwandhén nánesht wántant ke, abéd cha dini péshwáyán dega hechkasá áyáni waragay hakk néstat.” <sup>27</sup> Padá, gón áyán gwashti: “Hodáyá Shabbatay róch pa mardomán pédá kortag, mardom pa Shabbatay róchá pédá nakortag. <sup>28</sup> Paméshká, man ke Ensánay Chokk án, maná Shabbatay róchay ehtiár ham hast.”

### Dega mondhéay drahbakshi

(*Mattá 12:9–14; Luká 6:6–11*)

**3**<sup>1</sup> Dega randé, Issá kanisahá shot. Ódá mardé hastat ke dasti hoshk o mond h at. <sup>2</sup> Neshtagén mardom Issáay entezár o wadará atant ke: “Agan é marday dastá Shambahay róchá dráh bekant, gorhá má áiy sará Shabbatay róchá kár kanagay bohtámá<sup>i</sup> jata kanén.” <sup>3</sup> Issáyá gón mondhen mardá gwasht: “Byá demá bósht.” <sup>4</sup> Randá gón á neshtagén mardomán gwashti: “Báren, Shabbatay róchá, néki kanag rawá ent yá badi? Ensánay zenday rakkénag<sup>j</sup> yá koshag o gár kanag?” Á betawár butant. <sup>5</sup> Issáyá gón zahré cháretant, chiá ke cha áyáni sengdeliá sakk padard but. Gón á mardá gwashti: “Dastá shahár day!” Áiá dast shahár dát o dasti wassh o dráh but. <sup>6</sup> Gorhá Parisi dhanná shotant o pa Issáay kóshárénagá gón Hirudián<sup>k</sup> shawr o saláhesh bongéj kort.

### Issáay sará kalág o rishkand

(*Mattá 27:27–31; Yuhanná 19:1–3*)

<sup>16</sup> Sepáhigán, Issá wáliay kóth o márhay péshjáhá bort o sepáhigáni sajjahén lashkar lóthet o mocch kort. <sup>17</sup> Áyán, bádsháhi jamurangén kabáhé Issáay gwará dát, cha dhangar o konthagán tájé jórhént o áiy sará ér kort. <sup>18</sup> Gón kalág o rishkandé, sharap o ezzat dát o gwashtesh: “Drud o drahbát,<sup>u</sup> o Yahudiáni bádsháh!” <sup>19</sup> Latthesh sará jat, demá toh kort o sojdaresh kort. <sup>20</sup> Wahdé kalág o malandhesh hallént, gwaray jamurangén kabáhesh kasshet o áiy jenday godesh padá gwará dátant. Randá, dem pa salib kasshagá bortesh.

### Issá o salib

(*Mattá 27:32–44; Luká 23:26–43; Yuhanná 19:17–27*)

<sup>21</sup> Hamá wahdá, Keriniay shahray<sup>v</sup> Shamun námén mardé, ke Eskandar o Ruposay pet at, cha kesharán dem pa shahrá áyagá distesh. Sepáhigán pa bigár gept ke Issáay salibá baddhá bekant. <sup>22</sup> Áyán, Issá hamá jágahá áwort ke námi “Joljotá” bezán “Kámpól” ent. <sup>23</sup> Gorhá, sharábesh morr mán kort o pa waragá dát, bale Issáyá nawárt. <sup>24</sup> Nun salibay sará dratkesh, pocch o póshákesh watmánwatá bahr kortant o pál jatesh ke báren kayá ché rasi.

<sup>25</sup> Sohbay wahd at<sup>w</sup> ke Issáesh salib kasshet. <sup>26</sup> Mayárnámagay sará pa áiy jorm o mayará chosh nebeshtagat: “Yahudiáni bádsháh.” <sup>27</sup> Issáay hamráhiá do yági o dozshesh ham salibay sará dratk, yakké rástén o domi chappén némagá. <sup>28</sup> É dhawlá, Pákén Ketábay hamá péshgói sarjam but ke gwashtit: *Á cha radkárán zánag but.*<sup>x</sup> <sup>29</sup> Rahgwazán dozhmán dayán, wati sar chandhént o gwashtesh: “Oo mazanén parasteshgáhay karójók ke gwashtaget: ‘say róchá padá áiá addha kanán!’ <sup>30</sup> Nun watá berakkén o cha salibá ér á!”

<sup>31</sup> Hamé paymá mazanén dini péshwá o Sharyatay zánóger rishkand o maskará kanagá atant o gwashtesh: “Á dega mardomi rakkéntant bale watá rakkénta nakant. <sup>32</sup> Bell ke Masih, Esráilay bádsháh, nun cha salibá ér bekapit tánke má begendén o báwar bekanén.” Á doén ham ke gón áiá dár kasshag butagatant, Issáyá bad o rad gwashagá atant.

### Issáay mark

(*Mattá 27:45–56; Luká 23:44–49; Yuhanná 19:28–30*)

<sup>33</sup> Némróchá beger tán bégáhay sayá,<sup>y</sup> sajjahén molk anágat tahár but. <sup>34</sup> Bégáhay sáhat sayá,<sup>z</sup> Issáyá chihál<sup>a</sup> jat: “*Elui, Elui, lemá sabaktani?*” (Bezán: Oo mani Hodá, oo mani Hodá! Taw chiá maná tahná esht?)<sup>b</sup> <sup>35</sup> Ódá nazziká, lahtén óshtátágén mardomá wahdé eshkot, gwashtesh: “Bechárét, Elyásá tawár kanagá ent.” <sup>36</sup> Cha áyán yakké tachána shot, espanjé zort o tropshén sharábá missénti. Espanj, dáréay sará bast o pa chussagá Issáay némagá shahárt o gwashti: “Sabr o wadár kanét, bechárén báren Elyás áiy rakkénagá kayt yá na?” <sup>37</sup> Gorhá, Issáyá borzén tawaréá chihál kasshet o sáh dát. <sup>38</sup> Hamé wahdá, mazanén parasteshgáhay pardah, borzadá beger tán jahlád dert o do bahr but. <sup>39</sup> Hamá pawji apsar ke Issáay dem pa demá óshtátagat, wahdé disti ke áiá chónaká sáh dát, gorhá gwashti: “Béshakk é mard Hodáay Chokk at.”

<sup>40</sup> Lahtén janén dur óshtátag o chárágá at, gón áyán, Maryam Majdaliah, kasánén Ákub o Yusháay mát Maryam o Sálumah gón atant. <sup>41</sup> Wahdé Issá Jalilá at, é janén áiy hamráh atant o áiy hezmat o chalópagesh kortagat. Abéd cha eshán, dega bázén janéné ham ódá at ke áiy hamráhiá Urshalimá átkagatant.

<sup>u</sup>15:18 Drud o drahbát, bezán salám o alayk.

<sup>v</sup>15:21 Keriniay shahr annugén zamánagay Libiáay molká ent.

<sup>w</sup>15:25 Asligén Yunáni nebeshtánka gwashtit: “saymi sáhat”, bezán sáhat nohá. Yahudiáni róchay hesáb, sáhat sohbay shashá bongéja but.

<sup>x</sup>15:28 Eshayá Nabiy Ketáb, bahr 53, band 12. Lahtén daznebeshtá band 28 nést.

<sup>y</sup>15:33 Asligén Yunáni nebeshtánka gwashtit: “shashomi sáhatá beger tán nohomi sáhatá”, bezán maróchigén sáhatáni hesábá, némróchay dwázdahá beger tán bégáhay sayá.

<sup>z</sup>15:34 Asligén Yunáni nebeshtánka gwashtit: “nohomi sáhatá”.

<sup>a</sup>15:34 Chihál, bezán dardnákén kukkár.

<sup>b</sup>15:34 Zabur 22:1.

<sup>f</sup>2:15 Bani Esráilián, songi o máliátgírén mardom nádóst atant, chiá ke á Rumay hokumatay kárendah atant o bázénéá pa wati nap o suttá cha mardomán géshén song o bája gept.

<sup>8</sup>2:19 Passaw, bezán jwáb.

<sup>h</sup>2:22 Zekk, bezán cha pasay póstá addh kortagén darpé ke cha mashká bazter ent.

<sup>i</sup>3:2 Bohtám, bezán malámat, tohmat.

<sup>j</sup>3:4 Rakkénag, bezán neját dayag, bacchéneg.

<sup>k</sup>3:6 Hirudi, bezán Hirudis bádsháhay dóstwáh.

nesht o dastáni tápagá lagget. <sup>55</sup> Mazanén dini péshwá o sarókáni diwánay sajjahén básk,<sup>q</sup> pa Issáay markay sezá dayagá sháhediay shóházá atant, bale sháhed néstat. <sup>56</sup> Bázénéá, drógén sháhedi dát, bale áyáni habar gón yakdomiá yakk o hamdap naatant. <sup>57</sup> Dega lahtén, pa drógén sháhedi dayagá pád átk o gwashtesh: <sup>58</sup> “Má eshкотag ke é mardá gwashtag: ‘Man ensánay addh kortagén é mazanén parasteshgáhá karóján o próshán o say róchay tahá yakké bandán ke ensánay jórhéntagéna nabit.’” <sup>59</sup> Bale á sháhedáni habar ham yak dhawlá naatant. <sup>60</sup> Masterén dini péshwá pád átk o sajjahénáni demá cha Issáyá josti kort: “Tai bárawá chónén sháhedi dayagá ant? Esháni hech passawa nadayay?” <sup>61</sup> Bale Issáa bétawár at o hech passawé nadáti. Masterén dini péshwáyá padá cha áia jost kort o gwashti: “Bárén, taw hamá Masih, mazanshánén Hodáay Chokk ay?!” <sup>62</sup> Issáyá passaw dát: “*Man Hamá Án*, shomá yak róché gendét ke Ensánay Chokk, zóráwarén Hodáay rástén némagá neshtag. Cha ásmánay jambaráni tahá ham kayt.” <sup>63</sup> Masterén dini péshwáyá wati gwaray jámag dert o gwashti: “Angat ham márá sháhed pakár ent? <sup>64</sup> Shomá wat eshiay kopr eshkot. Nun shomay shawr o saláh chi ent?” Sajjahénán darráént: “Eshiy sezá mark ent.” <sup>65</sup> Cha áyán lahténá, Issáay demá toh kort,<sup>r</sup> áiy chammesh bastant, mosht o shahmátesh jat o gwashtesh: “Nun paygambari kan!” Sepáhigán, á gept o gón latth o shahmátán mán bast.

### Petrosay enkár

(Mattá 26:69–75; Luká 22:56–62; Yuhanná 18:15–18, 25–27)

<sup>66</sup> Á wahdá ke Petros, jahlá, péshjáhá neshtagat, cha masterén dini péshwáay móledán yakké átk. <sup>67</sup> Petrosi dist ke ásay demá neshtag o watá garm kanagá ent. Áiy némagá rogurogu cháret o gwashti: “Taw ham Issá Náseriay hamráh butagay!” <sup>68</sup> Bale áia namannet o gwashti: “Na, mana nazánán o sarpada nabán ke taw ché gwashagá ay.” Gón é habará, dém pa darwázagá rahádag but. Hamé damán o dargatá, korósá báng sar dát. <sup>69</sup> Á móledá yak baré padá Petros dist o gón áyán ke ódá óshátatagatant, gwashti: “É mard ham cha hamáyán ent!” <sup>70</sup> Bale Petrosá padá namannet. Kammé randterá, á ke ódá óshátatagatant, padá gón Petrosá gwashtesh: “Allamá taw cha hamáyán ay, chiá ke taw ham Jalilié ay.” <sup>71</sup> Bale Petrosá sawgand wárt o gwasht: “Mani sará Hodáay nálat bát agan dróg bebandán. É mardá ke shomá gwashét, mana nazánán.” <sup>72</sup> Hamé dargatá, korósá domi báng sar dát. Nun Petros, Issáay hamá habaray yát o tránagá kapt ke gwashtagati: “Cha korósay domi bángá pésar, say randá mani pajjáh áragá enkára kanay.” Nun delranj but o sakk gréti.

### Issá Pilátusay demá

(Mattá 27:1–2, 11–26; Luká 23:1–7, 13–25; Yuhanná 18:28–40)

**15** <sup>1</sup> Sabáhá paggáh,<sup>s</sup> mazanén dini péshwá, kawmay kamásh, Sharyatay zánóger o sarókáni diwánay sajjahén básk hamshawr butant o Issáesh bast, gerrán kort o Pilátusay dastá dát. <sup>2</sup> Pilátusá cha áia jost kort: “Taw Yahudiáni bádsháh ay?” Issáyá passaw dát: “Taw wat gwashagá ay.” <sup>3</sup> Mazanén dini péshwá áiy sará bázén bohtám janagá atant. <sup>4</sup> Pilátusá padá jost kort: “Pa ché passawa nadayay? Bechár tai sará chinchok beddh o bohtám janagá ant.” <sup>5</sup> Issáyá hech passaw nadát. Pilátus hayrán mant.

<sup>6</sup> Pilátusá, har sál aiday wahdá, cha Yahudi bandigán yakké, hamá ke mardomán belóthetén, ázáta kort. <sup>7</sup> Bandigáni tahá Bárábás námén mardé hastat. Gón hamá áshópián gerag butagat ke shóreshay wahdá hón o kóshesh kortagat. <sup>8</sup> Mahluk, Pilátusay Kerrá átk, dazbandiesh kort o gwashtesh: “Har dába ke wastagén sálánet kortag, embari ham hamá dába bekan.” <sup>9</sup> Pilátusá jost kort: “Lóthét Yahudiáni bádsháhá pa shomá ázát bekanán?” <sup>10</sup> Áia zántagat ke dini péshwáyán, Issá pa hasadd o konnat áiy dastá dátag. Paméshká chosh gwashti. <sup>11</sup> Bale dini péshwáyán mardom shórént o áshopéntant<sup>t</sup> tán cha Pilátusá belóthant Issáay jáhá, Bárábásá ázát bekan. <sup>12</sup> Pilátusá padá jost kort: “Gorhá é mardá ke shomá áia Yahudiáni bádsháhá gwashét, chón kanán?” <sup>13</sup> Mardomán kukkár kort: “Salibi kassh!” <sup>14</sup> Pilátusá jost kort: “Chiá bárén? Mayári chi ent?” Bale áyán géshter kukkár kort: “Salibi kassh!” <sup>15</sup> Gorhá Pilátusá ke lóthet mardomán cha wat razá bekan, Bárábás ázát kort o Issá, shallák janáént o dáti ke áia salibay sará bedranjant.

<sup>q</sup>14:55 Básik, bezán ozw, membr.

<sup>r</sup>14:65 Toh kanag, bezán tok kanag.

<sup>s</sup>15:1 Paggáh, bezán máhallah.

<sup>t</sup>15:11 Áshopénag, bezán pád kanag, tahrík kanag.

### Bázén mardomé Issáay randá ráha gipt

(Luká 6:17–19)

<sup>7</sup> Issá cha mardomán dur, gón wati moridán gwarmay lambá shot. Bázén Jalili mardomé áiy padá rawán but. <sup>8</sup> Cha Yahudiah, Urshalim, Edumiah o Ordonay kawray á dastá ham bázén mardomé mocch but, Sur o Saydunay chapp o chágerday nendók ham átkant. Chiá ke áyán Issáay mójezaháni bárawá eshкотagat. <sup>9</sup> Issáyá gón moridán gwasht, bójjigé pa áia tayar bekanant tánke cha bázén mardománi mocchiay angerr o áshópá dur bebit. <sup>10</sup> Áia bázén mardomé wassh o dráh kortagat, paméshká nádráhén mardom pa áiy dast per kanagá, télánk dayán, demá kenzán atant. <sup>11</sup> Hamáyán ke jenn per at, wahdé Issáesh dist áiy pádán kaptant, kukkáresh kort o gwashtesh: “Taw Hodáay Chokk ay.” <sup>12</sup> Issáyá hokm dátant: “Gón kassá magwashét man kay án.”

### Dwázdah hásén káseday gechén kanag

(Mattá 10:1–2; Luká 6:12–16)

<sup>13</sup> Randá, Issá kóhay sará sar kapt o cha wati moridán lahténi hamódá lóthet o á Issáay Kerrá átkant. <sup>14</sup> Issáyá cha áyán dwázdah kas gechén kort o wati hásén kásed náméntant, tánke gón áia hamráh bebant o áyán pa wasshén mestágay sheng kanagá rawán bekan. <sup>15</sup> Jenn kasshagay ehtiári ham dátant. <sup>16</sup> Á dwázdahénáni nám esh ant: Shamun ke Issáyá áiy domi nám, “Petros”<sup>1</sup> per bast, <sup>17</sup> Zebdiay chokk Ákub o áiy brát Yuhanná ke Issáyá “Grand o grókey chokk” nám per bastant, <sup>18</sup> Andriás, Pilipos, Bartulumá, Mattá, Tumá, Halpiay chokk Ákub, Taddá, sarmacháren Shamun<sup>m</sup> o <sup>19</sup> Yahudá Eskaryuti ke randá Issái dróhagi<sup>n</sup> o dozhmenáni dastá dayagi at.

### Issá o Belzabul

(Mattá 12:22–32; Luká 11:14–23)

<sup>20</sup> Randá, Issá lógá átk o ódá mardom haminchok báz at ke Issá o áiy moridán waragay móh ham naraset. <sup>21</sup> Wahdé áiy syád o wáres sahig butant, áiy baragá átkant, chiá ke lahténá gwashtagat ke á sar naent. <sup>22</sup> Cha Urshalimá átkagén Sharyatay zánógerán ham anchosh gwashtagat ke Issáyá jenn per o gón jennáni sardár Belzabulay sarókiá, jennána kasshit. <sup>23</sup> Gorhá Issáyá á lóthetant o gón mesáláni áragá gwashti: “Shaytán, chón Shaytáná kasshet o dar korta kant? <sup>24</sup> Agan yak molkéá nátepáki bebit, á molk barjáha namánit, <sup>25</sup> agan yak lógéay mardom watmánwat nátepák bebant, á lóg ham pashta nakapit. <sup>26</sup> Hamé dhawlá, agan Shaytánay bádsháhiá nátepáki o prósh bekapit, áiy bádsháhi gár o bégwáha bit o Shaytán gár o bégwáha bit. <sup>27</sup> Yak zóráwarén mardoméay lógá hechkasa napoterit o áiy lógá pol o pánych<sup>o</sup> korta nakant, tán wahdé ke hamá zóráwarén mardomá magipt o mabandit. Randá áiy lógá pol o pánych korta kant. <sup>28</sup> Báwar kanét ke mardománi gonáh o kopr bakshag o pahell kanaga bant, <sup>29</sup> bale hamá ke Hodáay Pákén Ruhay helápá gonáh o kopra kant, hechbar pahell kanaga nabit o abadi gonahkára mánit.” <sup>30</sup> Issáyá paméshká chosh gwasht ke á gwashagá atant, Issáyá jenn sará ent.

### Issáay mát o brát

(Mattá 12:46–50; Luká 8:19–21)

<sup>31</sup> Issáay mát o brát átk o dhanná óshátant, kolaw o paygámesh rawán dát ke Issá áyáni Kerrá byayt. <sup>32</sup> Bázén mardomé áiy chapp o chágerdá neshtagat o hálesh dát: “Tai mát o brát dhanná óshátant o tará lóthant.” <sup>33</sup> Issáyá áyáni passawá jost kort: “Mani mát o brát kay ant?” <sup>34</sup> Gorhá, Issáyá neshtagén mardománi némagá cháret o gwashti: “Mani mát o brát esh ant! <sup>35</sup> Á ke Hodáay wáhag o razáay sará kára kanant, hamá mani mát o brát o gohár ant.”

<sup>l</sup>3:16 Yunáni zobáná, “Petráay” máná “talár” ent.

<sup>m</sup>3:18 Bázén gomána kanant ke sarmacháray máná esh ent: Shamun Yahudiáni yak dini syási párthiéay básk bezán ozw butag ke Rumiáni demá óshátant.

<sup>n</sup>3:19 Dróhag, bezán pa repk rad dayag, Arabi o Pársiá “khiánat”.

<sup>o</sup>3:27 Pol o pánych, bezán zórbord, lotth o pol.

### Tohm chandhagay mesál

(Mattá 13:1–17; Luká 8:4–10)

**4**<sup>1</sup> Issá padá mazangwarmay kerrá, mardomán dars o sabak dayagá at. Áiay chapp o chágerdá haminchok mardom mocch but ke bójjigéá swár but o kammoké á kashter kenzet, bale sajjahén mardom gwarmay tayábá<sup>p</sup> mocch o yakjáh atant. <sup>2</sup>Gorhá áii mardom gón darwar o mesálán bázén dars o sabak dátant o gwashti: <sup>3</sup>“Gósh dárét. Yak dehkáné pa tohmay chandhagá shot, <sup>4</sup>tohmáni chandhagay wahdá kammoké tohm ráhay sará retk o báli morgán chet o wártant. <sup>5</sup>Kammé tohm dhal o dhókáni sará retk ke ódá hák kamm at, paméshká zut rost o sabz butant, chiá ke dhagár talag at. <sup>6</sup>Bale cha róchay trondén garmíá gimmort<sup>q</sup> o hoshk butant, chiá ke áyáni rissrag o wandhál,<sup>r</sup> zeminá johl nashotagatant. <sup>7</sup>Kammé tohm ham shezz o cherekk o dhangaráni<sup>s</sup> tahá retk, shezz o dhangarán áyáni rost o rodóm dásh<sup>t</sup> o á bébar o bésamar mantant. <sup>8</sup>Dega kammé tohm, sharrén zeminá retk, á sharr rost o mazan butant, jáhé si sari, jáhé shast sari o jáhé sad sari hóshag o baresh kort.” <sup>9</sup>Padá gwashti: “Harkasá pa eshkonagá gósh hast, beshkont.”

<sup>10</sup>Wahdé mardom shotant o Issá tahná mant, gorhá dwázdahén morid o é dega hamráhán, cha áii é mesáláni máná jost kort. <sup>11</sup>Issáyá passaw dát: “Hodáay bádsháhiay ráz pa shomá bakshag butag, bale á ke mani ráhay randgiriá nakanant, é chiz pa áyán hoshkén mesál o darwar ant o bass, <sup>12</sup>tánke:

*gón chammán bechárant, bale magendant*

*gón góshán beshkonant, bale sarkech mawarant,*

*Hodáay némagá per matarrant o bakshag mabant.”*

### Tohm chandhagay mesálay maksad

(Mattá 13:18–23; Luká 8:11–15)

<sup>13</sup>Padá gwashti: “Agan shomá é mesálá sarkecha nawarét, gorhá á dega mesálán chón zánta kanét?” <sup>14</sup>Tohm chandhók hamá ent ke Hodáay habará keshit. <sup>15</sup>Lahtén mardom ráhay sará retkagén tohmay dhawlá ent. Hodáay gál o habar ke ódá keshaga bit, hamá damáná Shaytána kayt o cha áyáni delá keshtagén habará dara kant o bárt. <sup>16</sup>Hamé dhawlá, á tohm ke dhal o dhókáni sará retkant, hamá mardománi mesál ent ke Hodáay habará gósha dárant o hamá damáná pa gal o shádehia mannant, <sup>17</sup>bale pa é sawabá ke rissrag o wandhálesh najatag, Hodáay kolaw áyáni delá, tán dérá namánit o jágaha nakant. Wahdé pa Hodáay gál o habaránígi sakkí o ázáré sar bejant, hamá damáná cha ráhá thagalant o kapant. <sup>18</sup>Á tohm ke shezz o dhangaráni nyámá réchag butant, hamá mardom ant ke Hodáay gál o habará gósha dárant <sup>19</sup>bale donyái parésháni o mál o zarray hers o jópah<sup>t</sup> o á dega chizáni lóth o wáhag áyán rada dayant o naylant Hodáay habar sabz betarrít o bar o barward bedant. <sup>20</sup>Á ke sharrén zeminay dhawlá ant, hamá ant ke Hodáay habará eshkonant o mannant, bar o barwarda dayant, lahtén si sari, lahtén shast sari o lahtén sad saria bit.”

### Cherágay mesál

(Luká 8:16–18)

<sup>21</sup>Issáyá mesál dayáná gwasht: “Kay rókén cherágá tagár,<sup>u</sup> yá tahtay chérá chéra dant? Cherágá cherágjáhay sará éra nakanant?” <sup>22</sup>Á chiz ke chér ent, záher o paddar<sup>v</sup> bayagi ent o á habar ke panáh o andém ent, áshkár o démdará bayagi ent. <sup>23</sup>Harkasá pa eshkonagá gósh hast, beshkont.”

<sup>24</sup>Padá gwashti: “Delgósh kanét ke shomá ché eshkonét. Gón har kayl o paymánahéá ke bedayét, gón hamá kaylá shomárá dayaga bit. Angat géshter ham shomárá rasit. <sup>25</sup>Kaséá ke chizé hast, áii géshter dayaga bit o kaséá ke nést, cha áii hamá ke hastenti ham pach geraga bit.”

<sup>p</sup>4:1 Tayáb, bezán daryáay kerr, sáhel.

<sup>q</sup>4:6 Gimmorag, bezán hoshk tarrag, napasgir bayag.

<sup>r</sup>4:6 Wandhál, bezán rissrag o rótag.

<sup>s</sup>4:7 Shezz, yá shenz, o cherekk bébarkatén sabzagé ke asligén kesháray tahá rodít o áyáni rost o rodómá dárit. Dhangar dega konthagí sabzagé ke á ham keshará harába kant.

<sup>t</sup>4:19 Jópah, bezán lálech o tamah.

<sup>u</sup>4:21 Tagár, bezán mazanén johlén darp, hirán, lagan.

<sup>v</sup>4:22 Paddar, bezán záher, áshkár.

### Petrosay enkáray péshgói

(Mattá 26:31–35; Luká 22:31–34; Yuhanná 13:36–38)

<sup>27</sup>Issáyá gón moridán gwasht: “Shomá sajjahén thagala warét o maná yalaha kanét. Chiá ke nebisag butag: *Man shopánká janán o pas sheng o shángá bant.*<sup>n</sup> <sup>28</sup>Bale zendag bayag o jáh janagá rand, cha shomá pésar Jalilá rawán.” <sup>29</sup>Petrosá darráent: “Agan sajjahén thagal bwarant o tará yalah bedayant, man hechbar thagala nawarán.” <sup>30</sup>Issáyá gwasht: “Tará rásténa gwashán, hamé maróchi, haw enshapi, taw, tai jend, cha korósay domi bángá pésar, mani pajjááh áragá say randá enkára kanay o namannay.” <sup>31</sup>Petrosá pa deljami gwasht: “Agan gón taw mani sar ham berawt, cha tai pajjárá hechbara nabajján.” É dega sajjahén moridán ham anchosh gwasht.

### Issáyá dwá

(Mattá 26:36–46; Luká 22:39–46)

<sup>32</sup>Issá o áiay morid, Jetsimáni námén jágahéá shotant. Gón áyán gwashti: “Hamedá bedárét, mana rawán o dwá kanán.” <sup>33</sup>Petros, Ákub o Yuhannái wati hamráh kortant. Anágat, yak mazanén andóh o bétáhirié<sup>o</sup> áiay jesm o jáná nesht. <sup>34</sup>Gón áyán gwashti: “Sakk paréshán án, gam o andóhán maná markig kortag, shomá edá bedárét, mawapsét o ágáh o hozzhár bét.” <sup>35</sup>Cha ódá kammé démterá shot, dém pa chér kapt o dwá kanán gwashti: “Oo mani Pet! Agan buta kant, é sakkén sáhatá cha mani sará bethagalén.” <sup>36</sup>Padá gwashti: “Abbá, oo mani Pet! Tai dastá har chiz buta kant, é sakkíáni jám o pyálahá cha man dur kan o bethagalén. Bale á dhawlá na ke mana lóthán, hamá dhawlá ke taw lóthay.” <sup>37</sup>Wahdé Issá per tarret, disti ke á wáb ant. Gorhá gón Shamun Petrosá gwashti: “Shamun! Wáb ay? Nabut yak sáhaté ham ágáh bemánay?” <sup>38</sup>Hozzhár bét o dwá kanét tánke ázmáesh o chakkásá makapét. Ruh, tayár o morádig ent, bale jesm nezór o nátwán.” <sup>39</sup>Yak baré padá pa dwá kanagá shot o hamá dwái kort. <sup>40</sup>Wahdé per tarret, disti padá wáb ant. Áyáni chamm rohézag o wábénag atant o nazántesh áii ché passaw bedayant. <sup>41</sup>Saymi randá, padá moridáni kerrá átk o gwashti: “Angat ham waptag o áram kanagá ét? Bass ent! Á wahd o sáhat rasetag. Nun Ensánay Chokk dróhag o gonahkáráni dastá dayaga bit. <sup>42</sup>Pád áét berawén! Á ke maná dróhit, pédák ent.”

### Issáyá dazgir kanag

(Mattá 26:47–56; Luká 22:47–53; Yuhanná 18:3–12)

<sup>43</sup>Issá angat habará at ke cha dwázdahén moridán yakké, bezán Yahudá, átk o raset. Áiiá rombé mardom hamráh at ke zahm o latthesh gón at. É romb, cha mazanén dini péshwá, Sharyatay zánóger o kawmay kamásháni némagá ráh dayag butagat. <sup>44</sup>Yahudáyá áyáná é nesháni dátagat: “Hamáiiá ke mana chokkán, Issá hamá ent. Áiiá dazgir kanét o gón mohr o mohkamén negahpánié bebarét.”

<sup>45</sup>Gorhá, Yahudá tachkátachk Issáyá kerrá átk o gwashti: “Oo ostád!” Randá, Issái chokket. <sup>46</sup>Yahudáay hamráhán Issá gept o dazgir kort. <sup>47</sup>Cha Issáyá hamráhán yakkéá wati zahm kasshet o masterén dini péshwáay nawkaray sará orosh<sup>p</sup> bort o áiay góshi sest. <sup>48</sup>Issáyá gón hamá mardomán ke áiay dazgir kanagá átkagatant, gwasht: “Záná, man yági o rahzané án ke gón zahm o latthán pa mani geragá átkagét?” <sup>49</sup>Man har róch, shomay démá mazanén parasteshgáhá dars o sabak dátog o shomá maná neageptag. Bale Pákén Ketábáni habar báyard ent sarjam bebant.” <sup>50</sup>Á wahdi, moridán á yalah dát o jestant. <sup>51</sup>Warnáé ke jámagé gwará ati o bass, Issáyá randá gón kapt, áesh ham gept. <sup>52</sup>Bale dazgir kanagay wahdá, áiay jámagé lakosht o jándará tatk.

### Issá, sarókáni diwáná

(Mattá 26:57–68; Luká 22:54–55, 63–71; Yuhanná 18:13–14, 19–24)

<sup>53</sup>Issáyá dazgir kanókán, Issá zort o masterén dini péshwáay kerrá bort, hamódá é dega mazanén dini péshwá, kawmay kamásh o Sharyatay zánóger mocch atant. <sup>54</sup>Petros ham dur durá Issáyá randá rawán at, masterén dini péshwáay lógay péshjáhá potert o gón hezmatkárán ásay kerrá

<sup>n</sup>14:27 Zakariá Nabíay Ketáb 13:7.

<sup>o</sup>14:33 Bétáhiri, bezán beárámi, békarári.

<sup>p</sup>14:47 Orosh, bezán hamlah.

### Janéné Issáyá atra moshit

(Mattá 26:6–13; Yuhanná 12:1–8)

<sup>3</sup>Issá, Bayt-Anyáyá hamá Shamunay lógá mehmán at ke cha jozámay nádráhiá dráh butagat. Hamódá, yak janéné gón sengmarmarén atrdánéá Issáay gwará átk, atrdáná sombolay<sup>k</sup> gehter o gránbaháén atr mán at. Áiá atrdán pach kort o atr, Issáay sará chandhetant. <sup>4</sup>Ódá, lahtén neshtagén mardom cha é kárá wati delá nawassh but o gwashtesh: “Chiá é atr zawál kanag but? <sup>5</sup>É atr, cha sésad dinará géshterá bahá butagat o zarr, garib o nézggárán dayag butagatant.” Paméshká, nun á janéná mayárig kanagá atant. <sup>6</sup>Bale Issáyá gwasht: “Belléti, shomá pa ché eshiá ranjénagá ét? É janéná gón man nékié kortag. <sup>7</sup>Garib o nézggár, modám shomay kerrá hast o shomá harwahd ke belóthét gón áyán néki korta kanét, bale man harwahd gón shomá gón naán. <sup>8</sup>Áiá pa mani kabr kanagay tayáriá, wati hezmat sarjam kort o mani sará atr chandhet. <sup>9</sup>Shomará rásténa gwashán, sajjahén donyáyá, har kondhé ke mani wasshén mestág jár janaga bit, é janén o eshiay kár ham yát kanaga bit.”

### Yahudá Issáyá dróhit

(Mattá 26:14–16; Luká 22:3–6)

<sup>10</sup>Yahudá Eskaryuti, ke cha Issáay dwázdahén moridán yakké at, mazanén dini péshwáyáni kerrá shot tánke Issáyá bedróhit o áyáni dastá bedant. <sup>11</sup>Á cha Yahudáay habaray eshkonagá báz wassh butant o labzesh kort áiá chizé zarr bedayant. Nun, Yahudá gwam o gégén wahd o móhéay shóházá at ke Issáyá áyáni dastá bedant.

### Sargwazay aiday tayári

(Mattá 26:17–30; Luká 22:7–23)

<sup>12</sup>Béhomirén nánay aiday awali róchá, ke gwarándhay korbánig kanagay róch at, moridán cha Issáyá jost kort: “Lóthay má kojá berawén o Sargwazay aiday shámay tayáriá bekanén ke taw bwaray?” <sup>13</sup>Gorhá, Issáyá cha moridán do kas dém dát o gwashti: “Shahrá berawét, ódá mardé gendét ke ápi kunzagé gón enti, áiy randá berawét. <sup>14</sup>Hamá lógá ke á rawt, shomá ham berawét o lógay wáhoná begwashét: ‘Ostád josta kant: Mehmánhánah kojá ent ke man gón wati moridán Sargwazay shámá hamódá bwarán?’ <sup>15</sup>Á mard, shomará wati lógay sarborá, práhén bán o diwánjáhé pésha dárít ke ódá har chiz hast o tayár ent, shámay tayáriá hamódá bekanét.” <sup>16</sup>Doén morid shot o shahrá rasetant. Ódá, áyán har chiz hamá paymá dist ke Issáyá gwashtagat. Sargwazay shámesh hamódá tayár kort.

<sup>17</sup>Bégáh ke but, Issá gón dwázdahén moridán hamódá átk. <sup>18</sup>Wahdé parzónagay sará neshtagatant o shám waragá atant, gwashti: “Báwar kanét, cha shomá yakké ke annun gón man neshtag o shám waragá ent, maná dróhit o dozhmenáni dastá dant.” <sup>19</sup>Morid paréshán o deltaparkah<sup>1</sup> butant o bárig bárigá jostesh kort: “Wájah! Man wa naán, na?” <sup>20</sup>Issáyá passaw dát: “Cha shomá dwázdahénán yakké, hamá ke annun gón man hamkásag ent.” <sup>21</sup>Chiá ke hamá dhawlá ke nebisag butag, Ensánay Chokk cha é donyáyá rawagi ent, bale bazhn o apsóz pa hamáiá ke Ensánay Chokká dróhit. Pa áiá sharter at ke hechbar cha mátá pédá mabutén.

### Goddhi shám

<sup>22</sup>Wahdé shám waragá atant, Issáyá nagané zort, shogri gept, chondh chondh kort o moridáná dáti. Gwashti: “Bezuréti! É mani jesm ent.” <sup>23</sup>Padá jámé zorti, Hodáay shogri gept, moridáná dáti o sajjahénán cha á jámá nóshet. <sup>24</sup>Nun gwashti: “É mani nókén ahd o karáray hón ent ke pa bázénéá réchaga bit. <sup>25</sup>Shomará rásténa gwashán, nun dega baré anguray dahl o samará nanóshán tán hamá róchá ke Hodáay bádsháhiá padá benósháni.” <sup>26</sup>Hodáay sepat o sanáyá<sup>m</sup> rand, dém pa Zaytunay kóhá ráh geptant.

### Tohmé ke bojít o sabza bit

<sup>26</sup>Issáyá gwasht: “Hodáay bádsháhi, anchosh ent ke kasé dhagará tohm bekeshit. <sup>27</sup>Shapá bwapsit o róchá ágáh bebit. Bale tohm anchosha rodant o mazana bant ke dehkán wata nazánt che paymá o chónaká chosh but. <sup>28</sup>Bé kaséay komaká dhagár, keshtagén tohmá pa bar o barwarda rasénit. É dhawlá: pésará ták, padá hóshag o randá hóshagay tahá dánag. <sup>29</sup>Wahdé kesháray bara rasit, dehkán dásá sóhána kant, chiá ke rón o móshay wahd átkag.”

### Kasterén tohmay mesál

(Mattá 13:31–32; Luká 13:18–19)

<sup>30</sup>Padá Issáyá gwasht: “Pa Hodáay bádsháhiá, chónén darwaré byáren o chónén mesalé pa áiy bayáná pésh bekanén? <sup>31</sup>Hodáay bádsháhi, thélkáhay<sup>w</sup> tohmay dhawlá ent. Zeminá keshagi tohmáni tahá cha sajjahénán kasterén ent. <sup>32</sup>Bale keshag ke but, rodit o cha á dega sabzagán borztera bit, sháh o lambi anchosh mazana bant ke báli morg, áiy ták o tháláni sáhegay chérá kodóh o kodáma bandant.” <sup>33</sup>Issáyá Hodáay habar anchén mesál o darwaráni tahá gón áyán darshána kortant ke á sarkech bwarant o sarpad bebant. <sup>34</sup>Bé darwar o mesálán hech habaria nakort, bale wahdé gón wati moridán tahná but, gorhá sajjahéni pa áyán máná kortant.

### Tuppánay érmósh<sup>x</sup> kanag

(Mattá 8:23–27; Luká 8:22–25)

<sup>35</sup>Hamá róchá, bégáhá, Issáyá gón wati moridán gwasht: “Byáét gwarmay domi némagá rawén.” <sup>36</sup>Áyán cha mardomán roksat gept, hamá bójjigá ke Issá neshtagat swár butant o Issáesh gón wat bort. Dega lahtén bójjig ham hamráh at. <sup>37</sup>Dér nagwast ke mazanén syahgwátéa sar kort o mastén chawl o mawján bójjig cha ápá porr kort. <sup>38</sup>Issáyá, sarjáhé saray chérá at o bójjigay poshti némagá, wáb at. Gorhá moridán, cha wábá ágáh kort o gwashtesh: “Oo ostád! Tará may hayál hecch gwar naent ke má ér bokkagi<sup>y</sup> o meragi én?” <sup>39</sup>Á cha wábá ágáh but, gwáti hakkal dát o mastén chawli neherrán bastant o gwashti: “Érmósh! Band kanéti!” Gorhá gwát kapt o chawl o mawj áram geptant. <sup>40</sup>Padá gón wati moridán gwashti: “Shomará pa ché torsit? Angat báwara nakanét?” <sup>41</sup>Áyán sakk torset o watmánwatá gwashtesh: “É chónén mardomé ke gwát o chawl ham eshiay hokmá mannant?”

### Jenni ganókéay drahbakshi

(Mattá 8:28–34; Luká 8:26–39)

<sup>5</sup><sup>1</sup>Issá o áiy morid, Jalilay mazangwarmay domi pahnátá Gerásiáni<sup>z</sup> sardhagará rasetant. <sup>2</sup>Wahdé Issá cha bójjigá ér átk, hamá damáná yak mardé ke jenni per at, cha kabrestáná dar but o gón áiá dochár kapt.<sup>a</sup> <sup>3</sup>Á, kabrestáná jahmenend at o haminchok zóri mán at ke hechkasá áiy dast o pád gón zamzil ham kayd korta nakortant. <sup>4</sup>Pésará báz randá mardomán kayd kortagat, bale áiá zamzil próstagatant o hechkasá áiy ger o dáray wák o twán néstat. <sup>5</sup>Á, shap o róch kabrestán o kóhán neshtagat, kukkár o chihália jat o watá gón dhók o seng thappigia kort. <sup>6</sup>Anchosh ke Issái cha durá dist, tacháná áiy némagá átk o Issáay pádán kapt. <sup>7</sup>Gón kukkár o chihálé gwashti: “Issá, oo mazanshánén Hodáay Chokk! Tará gón man che kár ent? Tará Hodáay sawgand ent, maná azáb maday.” <sup>8</sup>Chiá ke Issáyá gwashtagat: “Oo palitén ruh! É mardá yalah day.” <sup>9</sup>Issáyá cha áiá jost kort: “Tai nám kay ent?” Áiá passaw dát: “Mani nám ‘Lashkar’ ent, chiá ke má báz én.” <sup>10</sup>Padá áiá gón Issáyá mennat o zári kort ke: “Mará cha é sardhagará dar makan.”

<sup>11</sup>Hamódá jompéay sará, hukkáni mazanén ramagé charagá at. <sup>12</sup>Jennán dazbandi kort o gwasht: “Mará ráh beday tánke hamé hukkáni jesmá poterén.” <sup>13</sup>Issáyá ejázat dát. Gorhá, jenn dar átkant o hukkáni jesmá potertant. Hukkáni ramag ke do hazáray kesásá at, cha jompá jahlagá ér kapána gwarmá bokket. <sup>14</sup>Gorhá, hukkáni shwánag shahr o métagán tatkant o mardomesh é bárawá hál dátant. Wahdé mardomán é habar eshkot, átkant tán gón wati jenday chammán é sargwastá

<sup>w</sup>4:31 Thélkáh, bezán hardal.

<sup>x</sup>4:34 Érmósh, bezán áram, hámosh.

<sup>y</sup>4:38 Bokkag, bezán ápá ér rawag, boddhag, gark bayag.

<sup>z</sup>5:1 Lahtén daznebeshtá átkag: “Gadáriáni”.

<sup>a</sup>5:2 Dochár kapag, bezán dhikk warag, yakdegará gendag.

<sup>k</sup>14:3 Sombol washbóén gol o pollé.

<sup>1</sup>14:19 Deltaparkah, bezán paréshán, deltrakk.

<sup>m</sup>14:26 Bezán Zabur 115–118.

begendant. <sup>15</sup> Issáay gwará ke átkant distesh, hamá mard ke pésará jennán ganók kortagat, hamedá neshtag, pocch o pósháki gwará o pa hósh o sár ent. Nun torsesh delá nesht. <sup>16</sup> Á ke wat chamdistén sháhed atant, kessahehsh kort ke jenni ganók chónaká hósh o sár butag o hukk che paymá gwarmá bokktagant. <sup>17</sup> Gorhá mardomán gón Issáyá dazbandi kort ke áyáni sardhagará yalah bedant o berawt.

<sup>18</sup> Wahdé Issá bójigá swár bayagá at, á mardá ke annun jenná yalah dátagat dazbandi kort: “Maná wati hamráh kan.” <sup>19</sup> Bale Issáyá ejázat nadát o gwashti: “Lógá beraw o wati mardomán hál beday ke Hodáwandá pa taw chónén káre kortag o tai sará chón bazzagi butag.” <sup>20</sup> Gorhá, á mard shot o har káre ke Issáyá pa áiá kortagat, Dekápolisay<sup>b</sup> sardhagáray mardomi hál dátant. Sajjahén mahluk, habakkah o hayrán but.

### Issá janénéá dráh o jenekéá zendaga kant

(Mattá 9:18–26; Luká 8:40–56)

<sup>21</sup> Wahdé Issá padá bójigá swár but o gwarmay á dastá shot, tayábay kerrá, mardománi mazanén rombé áiy chapp o chágerdá mocch but. <sup>22</sup> Yáyrus námén mardé ke kanisahay master at, hamódá átk o gón Issáay gendagá, áiy pádán kapt. <sup>23</sup> Gón áiá dazbandii kort ke: “Mani jenek markig ent. Byá o wati dastá áiy sará ér mosh, tánke dráh bebit o zendag bemánit.” <sup>24</sup> Issá áiy hamráh but o shot. Dega bázén rombé mardom ham, angerr kanán<sup>c</sup> gón áiá rawán but.

<sup>25</sup> Mardománi rombá janéné gón at ke dwázdah sál at áiy hón band nabutagat o <sup>26</sup> cha bázén dáktarán pa wati elájá mazanén ranjé kasshetagati o sajjahén zarr o máli ham báhéntagatant,<sup>d</sup> bale dráh bayagay badalá nájórhter butagat. <sup>27</sup> Áiá pésará Issáay bárawá eshкотagat o nun cha mardománi nyámá Issáay poshtá átk o áiy kabáhi<sup>e</sup> dast jat. <sup>28</sup> Chiá ke áiy setk o báwar esh at ke: “Agan Issáay pocchán ham dast per bekanán, dráha bán.” <sup>29</sup> Anchoshi kort, hamá damáná hón band but o cha wati jesmay hálatá sarpad but ke dráh ent. <sup>30</sup> Issáyá zut zánt ke yak wák o kodraté cha áiá dar butag. Gorhá áiá mardománi némagá chakk tarrént o josti kort: “Kayá mani pocch dast jatant?” <sup>31</sup> Moridán gwasht: “Oo wájah! Wat gendagá ay ke mardomán tará chón angerr kortag, angat ham josta kanay: ‘Kayá mani pocch dast jatant?’” <sup>32</sup> Issá angat chárén némagán chárágá at ke kayá é kár kortag. <sup>33</sup> Bale hamá janéné ke é kár kortagat, zánti ke áiá chón butag o pa tors o larz átk, Issáay pádán kapt o é káray rástén habar o háli dátant. <sup>34</sup> Issáyá gón áiá gwasht: “Oo mani jenek! Tai setk o báwará tará rakkéntag, pa wasshi o salámati beraw o cha wati nájórhiá dráh bebay.”

<sup>35</sup> Issá angat habará at ke cha kanisahay masteray lógá, mardomé átk o Yáyrusi hál dát ke: “Tai jenek mortag, nun pa ché ostádá géshter delsyáha kanay?” <sup>36</sup> Issáyá áyáni habaráni némagá delgósh nakort o gón kanisahay masterá gwashti: “Mators, báwar kan.” <sup>37</sup> Cha Petros, Ákub o áiy brát Yuhannáyá abéd, dega hechkasá hamráhiay ejázati nadát. <sup>38</sup> Wahdé kanisahay masteray lógá átkant, distesh ke mardom gréwag o mótk áragá ant. <sup>39</sup> Lógá potert o gwashti: “Chiá mótká kárét? Chokk namortag, bass wáb ent.” <sup>40</sup> Mardomán gón é habaráni eshkonagá rishkandé jat, bale Issáyá cha hamá báná<sup>f</sup> ke jenek ódá at, sajjahén mardom dar kortant o gón jenekay pet o máit o wati sayén moridán hamódá shot. <sup>41</sup> Issáyá jenekay dast gept o gwashti: “*Talítá kom!*” Bezán: Oo jenekok! Pád á. <sup>42</sup> Jenek hamá damáná pád átk o tarragá lagget. Omri dwázdah sál at. Á mardom ke gón atant sakk hayrán butant. <sup>43</sup> Issáyá pa trondi hokm kortant: “É habará gón hechkasá magwashét” o gwashti: “Jeneká warák bedayét”.

### Issá padá Náserahá pera tarrit

(Mattá 13:53–58; Luká 4:16–24)

**6** <sup>1</sup> Randá, Issá cha ódá dar átk o gón moridáni hamráhiá wati jenday shahrá átk. <sup>2</sup> Shabbatay róch ke but, kanisahá shot o mardomi tálim o sar o sój dátant. Bázén mardomé cha áiy dars o sabakán mán hayraté kapt o gón yakdegará gwashtesh: “É habar áiá cha kojá áwortagant o é zánt o zánag kayá dátag? É dhawléen ajabén káráni kanagay wák o twáni cha kojá dastá kaptag?” <sup>3</sup> Áyán watmánwatá gwasht: “É hamá dártrásh naent ke Maryamay bacch o Ákub, Yushá, Yahudá o

<sup>b</sup>5:20 Dekápolis, bezán dah shahr. Gerásá cha é shahrán yakké at.

<sup>c</sup>5:24 Angerr kanag, bezán chapp o chágerdá gerag, Arabi o Pársiá “mohásERAH”.

<sup>d</sup>5:26 Báhénag, bezán gár dayag, cha dast dayag.

<sup>e</sup>5:27 Kabáh, bezán jobbah.

<sup>f</sup>5:40 Bán, bezán kóthi, kamrá, otág.

### Torsnákén wahd o jáwar

(Mattá 24:15–28; Luká 21:20–24)

<sup>14</sup> “Wahdé shomá á ‘palit o bérán kanókéen bazhnáká<sup>e</sup> hamá jágahá gendét ke áiy jágah naent,” wánók bezánt o sharr sarpad bebit, “hamá ke Yahudiahá ant dém pa kóhán betachant. <sup>15</sup> Á ke bán o bádgiray sará ent pa chizéay zuragá jahlá ér makapit o lógá marawt o <sup>16</sup> á ke dhagaráni sará kesht o keshará ent, wati kabáhay zuragá per matarrit. <sup>17</sup> Á róchán, apsóz pa lápporr o chokmátén janénán. <sup>18</sup> Dwá bekanét ke shomay tachag o dar rawag, zemestáná mabit. <sup>19</sup> Chiá ke hamá róchán, anchén sakki o sórié kapit ke áiy mesál, cha hamá róchá ke Hodáyá jahán jórhéntag tán é wahdá nayátkag o hechbar ham nayayt. <sup>20</sup> Agan Hodáwandá á sakkiáni róch kamter makorténant, hech mardomé narakketagat. Bale pa wati gechén kortagénáni háterá, á róchi kamter kortagant. <sup>21</sup> Á wahdá, agan kasé shomará begwashit: ‘Bechár, Masih edá ent’ yá ‘Bechár, ódá ent,’ báwar makanét. <sup>22</sup> Chiá ke drógén masih o drógén nabi jáha janant o nesháni o ajekkái péscha dárant. Wati sajjahén zóra janant ke gechén kortagénán ham gomráh bekanant. <sup>23</sup> Nun sharr hósh o sár kanét, chiá ke é sajjahén jáwaráni bayagá pésar man shomará hál dátag.

### Issáay per tarrag

(Mattá 24:23–44; Luká 21:25–38)

<sup>24</sup> “Á róchán, cha é sakki o sórián o rand, róch tahára bit, máha nadrapshit<sup>f</sup> o máhekánia nabit, <sup>25</sup> estár ham cha ásmáná kapant o ásmáni zór o wák larzénag o jolgoménaga<sup>g</sup> bant. <sup>26</sup> Á wahdá, mardom Ensánay Chokká gendant, ke gón mazanén wák o twán o shán o shawkaté cha jambaráni nyámá kayt o paddara bit. <sup>27</sup> Gorhá préshtagán ráha dant ke áiy gechén kortagén mardomán, cha donyáay chárén kondhán, bezán cha zeminay hand o damagán tán ásmánay goddhi marz o simsarán, mocch o yakjáh bekanant.

<sup>28</sup> “Nun cha enjiray drachká dars o sabak begerét. Anchosh ke áiy thál narma bant o táka trakkant, gorhá zánét ke garmágay mósom nazzik ent. <sup>29</sup> Hamé dhawlá, wahdé é chizána gendét, wata zánét ke mani áyagay wahd nazzik ent o darwázagay dapá rasetagán. <sup>30</sup> Shomará rásténa gwashán, tán é sajjahén jáwar mayáyant é nasl o padréch, halása nabit. <sup>31</sup> Zemin o ásmán gára bant, bale mani habar hechbar gár o zyána nabant. <sup>32</sup> Hechkasa nazánt ke á róch o sáhat kadén sara rasit, na ásmánay préshtaga zánant o na chokk, Peta zánt o bass.

<sup>33</sup> “Tayár o hozzhár bét! Chiá ke nazánét á wahd o damán kadéna kayt. <sup>34</sup> Mani per tarragay mesál, hamé dhawlá ent ke mardé dur o drájén saparéá berawt, roksat kanagay wahdá, sajjahén hezmatkáráni kár o bárán sar o sój bekant o negahpáná hokm bedant: ‘Sár o hozzhár bay!’ <sup>35</sup> Shomá nazánét ke lógay hodábond kojám róch o che wahdá kayt; bégáhá, shapnémá, bámgwáhá yá sabáhay wahd o jáwará? Paméshká sár o hozzhár bét. <sup>36</sup> Chosh mabit ke hodábond anágat<sup>h</sup> byayt o begendit ke shomá wáb ét. <sup>37</sup> Anchosh ke man shomará gwashagá án, sajjahénána gwashán: Hozzhár bét!”

### Issáay koshagay pandal o sázesh

(Mattá 26:1–5; Luká 22:1–2; Yuhanná 11:45–54)

**14** <sup>1</sup> Sargwaz<sup>i</sup> o béhomirén nánay aidá<sup>j</sup> do róch pasht kaptagat, mazanén dini peshwá o Sharyatay zánóger, ráh o nimmóné shóház kanagá atant tán gón repk o pandal, Issáyá begerant o bekóshárénant. <sup>2</sup> Bale gwashtesh: “Aiday róchán na, chosh mabit ke mardom áshóp bekanant.”

<sup>e</sup>13:14 “Palit o bérán kanókéen bazhnák” yak chizé ke nabáyad ent mazanén parasteshgáhá byayt.

<sup>f</sup>13:24 Drapshag, bezán shahm janag, rozhná bayag, jalashkag.

<sup>g</sup>13:25 Jolgoménag, bezán cha boná sorénag o larzénag.

<sup>h</sup>13:36 Anágat, bezán yak anágat, achának, nágahán.

<sup>i</sup>14:1 Eshíá Sargwazay aid paméshká gwashant ke, cha Mesriáni chérdastiá Yahudiáni ázátiay wahdá, markay préshtag cha Yahudi chokkáni koshagá sar gwast.

<sup>j</sup>14:1 Béhomirén nánay aid, Sargwazay aidá rand hapt róchay tahá geraga bit.

*Hodáwandá gón mani Hodáwandá<sup>a</sup> gwasht mani rástén némagá benend*

*tán á wahdé ke tai dozhmenán tai pádáni chérá dawr bedayán.<sup>a</sup>*

<sup>37</sup> “Agan Dáuday jend, Masihá wati Hodáwanda gwasht, gorhá á chón Dáuday chokk buta kant?” Mardománi mocchiá gón wasshi o shádehi, Issáay habar gósha dásht.

### Issá Sharyatay zánógerán páshka kant

*(Mattá 23:1–36; Luká 20:45–47)*

<sup>38</sup> Padá, Issáyá wati sar o sójáni tahá gwasht: “Cha Sharyatay zánógerán hozzhár bét ke áyán, drájén jámag o kabáh gwará kanag dósta bit o bázaráni tarr o gardá, cha mardomán wasshátk o drahbáta lóthant. <sup>39</sup> Kanisaháni sharterén jáhán gechéna kanant o mehmánián, awali reday nendagesh pasond ent. <sup>40</sup> Janózámáni lógán gón málwáriá barant o pa pésh dáragá wati dwá o sanáyán drájkassha kanant. Eshán sakterén sezá o padmozza rasit.”

### Janózáméay pákwandhi hayrát

*(Luká 21:1–4)*

<sup>41</sup> Issá, mazanén parasteshgáhay hayrátáni pétiay<sup>b</sup> dém pa demá neshtagat o hamá mardomán cháragá at ke é pétiá zarresh dawra dát. Cha zardarán bázénéá, zyádahén zarré ér kort. <sup>42</sup> Gorhá, garib o béwasén janózámé átk o do paysahi<sup>c</sup> pétiá mán kort. <sup>43</sup> Nun Issáyá morid wati kerrá lóthetant o gwashti: “Shomará rásténa gwashán, é béwasén janózámá cha á sajjahénán géshter zarr pétiá mán kort. <sup>44</sup> Chiá ke á degarán cha wati géshén málá chizoké dát, bale é janózámá, gón wati nézgári o garibiá, harché ke áiá hastat dáti, bezán wati sajjahén bonmál.”

### Áyókén zamánagay bárawá Issáay péshgói

*(Mattá 24:1–14; Luká 21:5–19)*

**13**<sup>1</sup> Wahdé Issá cha mazanén parasteshgáhá dar áyagá at, cha moridán yakkéá gón áiá gwasht: “Oo ostád! Bechár chónén thuhén seng o dhók o che paymén dhawldárén lóg o márhi ant.” <sup>2</sup> Issáyá passaw dát: “É dhawldárén lóg o márhiána genday? Cha eshán yak sengé ham domi sengay sará namánit, sajjahénána próshant o karóyant.”

<sup>3</sup> Wahdé Issá mazanén parasteshgáhay dém pa demá Zaytunay kóhay sará neshtagat, Petros, Ákutb, Yuhanná o Andriás áiy kerrá átkant o pa halwat o ehwaté jostesh kort: <sup>4</sup> “Mará begwash, bárén, é prosh t o prósh kadéna bit o eshiay nazzik bayagay nesháni chi ent?” <sup>5</sup> Issáyá habar bongéj kort o gwashtant: “Hozzhár bét, kasé shomará gomráh makant. <sup>6</sup> Bázéné pa mani námá kayt o gwashti: ‘Man hamá án’ o bázénéá gomráha kant. <sup>7</sup> Wahdé jangáni kukkárá eshkonét o áyáni hál o habar shomay góshána kapit, matorsét o paréshán mabét. Allam é dhawlá bit, bale angat halásiay wahd nayátkg o pa sar narasetag. <sup>8</sup> Yak kawmé dega kawméay sará o yak hokumaté dega hokumatéay sará páda kayt. Bázén molk o jágahán zelzelah o zeminchandha bit o dhokkál o kahta kapit. É, tahná zank o záyagay dardáni bongéj o shoruhát ant.

<sup>9</sup> “Hozzhár bét! Shomará hakdiwánáni<sup>d</sup> demá pésha kanant, kanisaháni tahá janant o pa manigi, hákem o bádsháháni demá óshtárénant. Gorhá shomará sharrén móhé rasit ke pa man gwáhi bedayét. <sup>10</sup> Bale pésará báyard ent ke mani wasshén mestág pa sajjahén kawmán rasénag o sar kanag bebít. <sup>11</sup> Harwahd ke shomará gerant o hakdiwánána barant, cha péshá paréshán mabét ke: ‘Má ché begwashén.’ Á wahdá, har chizé ke shomará sój dayag o rasénaga bit, hamáíá begwashét. Chiá ke gwashók shomá naét, Hodáay Pákén Ruh ent. <sup>12</sup> Brát wati brátá dróhit o kóshárénit o pet wati chokká, chokk cha wati pet o mátá yágia bant o áyána kóshárénant. <sup>13</sup> Sajjahén mardom, pa mani námaygi cha shomá naprata kanant. Bale hamá ke tán áherá sakkiána saggít, á rakkít.

Shamunay brát ent? Áiy gohár ham hamedá may shahrá jahmenend naant?” Gorhá áyán bad átk o Issáesh namannet. <sup>4</sup> Issáyá gón áyán gwasht: “Har nabiéá sharap o ezzat hast, abéd cha wati shahr o hankéná, wati lógá o wati syád o wáresáni nyámá.” <sup>5</sup> Áiá ódá bázén mójezah pésh dásht nakort, bass lahtén nádráháni sará dasti per mosht o dráhi kortant. <sup>6</sup> Issá, cha áyáni nábáwariá hayrán at.

### Issá dwázdahén kásedán rawána dant

*(Mattá 10:5–15; Luká 9:1–6)*

Randá, Issáyá é dega métag o ábádián tarr o garda kort o mardomi sabaka dátant. <sup>7</sup> Dwázdahén kásedi lóthetant o do pa do rawán kortant, jenn o palitén ruháni dar kanagay wák o ehtiári ham dátant o <sup>8</sup> gwashti: “Tarr o garday wahdá, gón wat abéd cha asá o dazlatthé dega hecch mabarét, na nán o na turag o tóshag, na wati lánkbandáni tahá zarr. <sup>9</sup> Kawsh pádá kanét, bale cha gwaray jámagá abéd, dega géshén mazurét. <sup>10</sup> Harkaséay lógá ke rawét, tán shomay kár halása nabit, hamá lógá bedárét. <sup>11</sup> Har jáh ke mardom shomará wasshátka nakanant o shomay habarán gósha nadárant, cha ódá dar kapét o dar kapagay wahdá, wati pádáni danz o hákán bechandhét, tán áyáni helápá sháhedi bebít ke shomá Hodáay kolaw pa áyán raséntag.” <sup>12</sup> Gorhá, morid shotant o mardomesh sar o sój kortant ke cha wati badén kárán pashómán bebant. <sup>13</sup> Áyán bázén jenni ganók sár kortant o bázén nádráh, thél per mosht o dráh kortant.

### Pákhódókén Yahyáay koshag

*(Mattá 14:1–12; Luká 9:7–9)*

<sup>14</sup> Issáay é káráni hál o habar Hirudis bádsháhay góshá rasetant chiá ke Issáay nám, nun portawár butagat. Lahténay gomán at, é hamá pákhódókén Yahyá ent ke padá cha mordagán zendag butag, paméshká choshén ajekkáí<sup>8</sup> o mójezahána kant. <sup>15</sup> Bale lahténá gwasht: “Elyás nabi ent ke padá átkag,” á degarána gwasht: “É, gwastagén paygambaráni dhawlá, yak paygambaré.” <sup>16</sup> Gón é habaráni eshkonagá, Hirudisá gwasht: “É hamá Yahyá ent ke man sar borretag, bale nun padá zendag butag.”

<sup>17</sup> Yahyáay koshagay kessah chosh at ke Hirudisá, Yahyáay gerag o bandi kanagay hokm wat dátagat, chiá ke Hirudisá gón wati brát, Piliposay janá, ke námi Hirudiá at, sur kortagat. <sup>18</sup> Yahyáyá é habaray sará Hirudis mayárig kortagat o gwashtagati ke Sharyatá rawá naent kasé gón wati zendagén brátay janá sáng o sur bekant. <sup>19</sup> Paméshká, Hirudiáyá gón Yahyáyá báz hasadd o kénag hastat o lótheti áiá bekóshárénit, bale é kár cha áiy dazrasá dur at, <sup>20</sup> chiá ke Hirudisá zántagat Yahyá pahrézkár o pákén mardomé o cha áiá torseti. Paméshká gwashtagati kasé áiá ázaré marasénit. Báz bará, á cha Yahyáay habaráni gósh dáragá negrán o paréshán butagat bale angat áiá dósta but ke Yahyáay habarán beshkont.

<sup>21</sup> Áherá, Hirudiáyá gwam o gégen wahd o móhé raset. Hirudisá pa wati sálgerahá, mazanén jashné gept o sajjahén darbári, pawji sarmaster o Jalilay mir o master lóthetagatant. <sup>22</sup> Hamá wahdá, Hirudiáyay jenek majlesá átk, nách o sohbatí gept o Hirudis o áiy mehmáni washdel kortant. Bádsháhá cha galá gón jeneká gwasht: “Harché tai dela lóthit begwash, ke man tará dayán.” <sup>23</sup> Sawgandi wárt o gwashti: “Harché lóthay, belóth, toré mani bádsháhiay némá.” <sup>24</sup> Jenek dar átk, wati mátay kerrá shot o josti kort: “Ché belóthán?” Mátá gwasht: “Pákhódókén Yahyáay sará belóth.” <sup>25</sup> Gorhá á zut zut per tarret, bádsháhay kerrá átk o gwashti: “Man pákshódókén Yahyáay sará tabakéay tahá lóthán, hamé annun.” <sup>26</sup> Hirudis bádsháh sakk paréshán but, bale áiá mehmánáni demá sawgand wártagat o jeneki labz dátagat. <sup>27</sup> Paméshká jalládi hokm kort ke zendáná berawt, Yahyáay sará beborrit o yak tabakéay tahá bekant o byárit. Jallád, bandijáhá shot, Yahyáay sari borret o <sup>28</sup> tabakéay tahá pa jeneká áwort o rasént. Jeneká sar bort o wati mátará dát. <sup>29</sup> Wahdé Yahyáay morid sahig butant, átkant, jónesh bort o kabr kort.

### Panch hazár mardomá warák dayag

*(Mattá 14:13–21; Luká 9:10–17; Yuhanná 6:1–13)*

<sup>30</sup> Issáay kásed, áiy gwará per tarretant o wati sajjahén kortagén kár o mardománi sar o sój dayagay bárawá Issáesh hál dát. <sup>31</sup> Áiá gwasht: “Byáét yak gestáhén jágahé rawén tánke tahná bebén o shomá kammé áram bekanét.” Chiá ke á wahdá mardománi raw o á, haminchok báz at ke áyán pa waragá ham móha naraset. <sup>32</sup> Á, bójigéá neshtant o yak gestáhén jágahé shotant tánke

<sup>z</sup>12:36 Mani Hodáwand, bezán Issá Masih.

<sup>a</sup>12:36 Zabur 110:1.

<sup>b</sup>12:41 Péti, bezán sanduk.

<sup>c</sup>12:42 Asligén Yunáni nebeshtánka gwasht: “do lepton ke yak kodrantesay arzeshi hastent”. Lepton á zamánagay gwandhterén zarr.

<sup>d</sup>13:9 Hakdiwán, bezán ámidges, dádgáh.

<sup>8</sup>6:14 Ajekkáí, bezán mójezah, hayrán kanókén kár.

tahná bebant.<sup>33</sup> Rawagay wahdá, bázén mardoméá á distant o pajjáhesh áwortant o mardom cha sajjahén shahrán payádaká hamá jágahá shotant o cha Issá o moridán pésar ódá sar butant.<sup>34</sup> Wahdé Issá cha bójjigá ér kapt o mardománi mazanén mocchii dist, áyáni sará bazzagi but, chiá ke á béshópánkén pasáni dhawlá atant. Gorhá mardomi bázén chizé sabak dátant.<sup>35</sup> Rónendá, morid átkant o gwashtesh: “Nun béwahd ent o é gestáhén jágahá chizé dasta nakapit.<sup>36</sup> Mardomán begwash tán é kerr o gwaráni métag o bázarán berawant o pa wat ward o warák begerant.”<sup>37</sup> Bale Issáyá gwasht: “Shomá wat áyán warák bedayét”. Moridán darráént: “Pa inchok mardománi ward o waráká, márá dosad dináray nagan<sup>h</sup> pakár ent. Márá inkadar zarr nést.”<sup>38</sup> Áiá jost gept: “Gón shomá chont nán hast? Berawét bechárét.” Áyán patthet o padá átk o gwashtesh: “May kerrá panch nagan o do máhig hast.”

<sup>39</sup> Áiá hokm kort: “Mardomán sabzagén káháni patthay sará benendárenét.”<sup>40</sup> Mardom panjáh panjáh o sad saday romb o thóliá neshtant.<sup>41</sup> Issáyá panchén nagan o doén máhig dastá kortant, ásmáni cháret o Hodáay shogri gept. Randá nagani chonhd chonhd kortant o moridáni dastá dátanti tánke mardománi sará bahr bekanant. Doén máhigi ham sajjahénáni sará bahr kortant.<sup>42</sup> Sajjahén mardomán tán sérá wárt.<sup>43</sup> Moridán cha sar átkagén nán o máhigán dwázdah sapt porr kort.<sup>44</sup> Cha nán warókén mardomán, panch hazár mardén atant.

### Issá ápay sarborá gáma jant

(Mattá 14:22–33; Yuhanná 6:16–21)

<sup>45</sup> Issáyá hamá damáná morid parmán dát o gwashtant: “Tánke man é mardomán roksata kanán, shomá bójjigá swár bét o cha man pésar gwarmay domi pahnátá, Bayt-Saydáay shahrá berawét.”<sup>46</sup> Mardománi yalah kanagá rand, Issá pa dwá kanagá kóhay sará sar kapt.<sup>47</sup> Rónendá, morid bójjigay tahá gwarmay nyámá atant o Issá hoshkiá tahná at.<sup>48</sup> Disti ke trondén gwáté áyáni dém pa demá kasshagá ent o morid pa zahmat o hillaté huligi janagá ant. Gorhá shapay cháromi pásá, Issá ápay sará gám janán, dém pa áyán átk o lótheti cha áyáni kash o kerrá begwazit.<sup>49</sup> Bale wahdé áyán Issá ápay sará gám janán dist, gománesh kort balkén ruhé o ják o salwátesh kort.<sup>50</sup> Chiá ke sajjahénán cha áiy gendagá báz torset. Bale Issáyá hamá damáná gón áyán gwasht: “Matorsét, é man án.”<sup>51</sup> Gorhá gón áyán yakjáh but o bójjigá nesht, gwát ham kapt o árám but. Morid hayrán o habakkah mantant,<sup>52</sup> chiá ke áyán angat naganay mójezah sarkech nawártagat, delesh sakk o seng at.

### Nádráháni drahbakshi

(Mattá 14:34–36)

<sup>53</sup> Issá o moridán gwarm gwázént o domi pahnátá Genisáretay shahrá rasetant o bójjigesh nangar kort.<sup>j</sup><sup>54</sup> Anchosh ke cha bójjigá ér kaptant, mardomán Issá pajjáh áwort.<sup>55</sup> Mardom pa drekk o maydán har némagá shotant, wati nádráh o nájórh tahtáni sará kortant o har jáh ke áyán eshкот Issá ódá ent, hamódá bortant.<sup>56</sup> Issá har shahr o kallagé ke shot, mardomán wati nádráh chárráháni sará áwortant o dazbandiesha kort ejázat bedant ke bimár áiy kabáhay lambá dast bejanant. Áyán ke dast pera kort, sajjahén wassh o dráha butant.

### Delpáki

(Mattá 15:1–20)

<sup>7</sup><sup>1</sup> Cha Urshalimá átkagén lahtén Parisi o Sharyatay zánóger Issáyá kerrá mocch but.<sup>2</sup> Distesh ke Issáyá lahtén morid gón nashoshtagén, bezán gón sell o nápákén dastán waráka wárt.<sup>3</sup> Chiá ke Parisi o sajjahén Yahudi, tánke wati pet o piroki dini rahbanday sará dast mashódant, waráka nawarant.<sup>4</sup> Wahdé cha bázará káyant, tán shosht o shód makanant heccha nawarant o dega bázén hamé dhawlén dód o dáb hasant chosh ke, tán waráki darp o hiránán pésará mashódant kármarza nakanant.<sup>5</sup> Paméshká, Parisi o Sharyatay zánógerán cha áiá jost kort: “Chiá tai morid pet o piroki rahbandáni randgiriá nakanant o gón sell o nápákén dastán waráka warant?”<sup>6</sup> Áiá gwasht: “Oo doru o dopóstén mardomán! Eshayá nabíá cha Hodáay némagá shomay bárawá sharr nebeshtag: *É mardom dapá maná satá dayant, bale delesh cha man báz dur ent.* <sup>7</sup> *Á moptá maná parastesha kanant*

<sup>h</sup>6:37 Yak dinár, yak róchay mozz at.

<sup>i</sup>6:48 Hulig, bezán páru.

<sup>j</sup>6:53 Nangar kanag, bezán bójjigay óshtárenag.

### Máliátay bárawá

(Mattá 22:15–22; Luká 20:20–26)

<sup>13</sup> Randá, áyán lahtén Parisi o Hirudi pa Issáyá habaráni dar kasshagá, áiy kerrá rawán dát.<sup>14</sup> Nun átk o jostesh kort: Oo ostád! Má zánén ke taw tachk o rástén mardomé ay o harché gwashay pa rástíá gwashay o hechkaséay némagá nageray, chiá ke sajjahénán pa yak chamméá cháray o gón rásti o delsetki Hodáay ráhá sója dayay. Bárén, Rumay bádsháh Kaysará, song o máliát dayag rawá ent yá na? Má áiá máliát bedayén yá madayén?<sup>15</sup> Issáyá áyáni é dotal o dopósti zánt o gwashti: “Chiá maná chakkásagá ét? Yak dinaré byárét tán bechárán.”<sup>16</sup> Áyán dinaré áwort. Josti kort: “Eshiy sará kai nám o naksh per ent?” Áyán passaw dát: “Kaysaray.”<sup>17</sup> Nun Issáyá gwasht: “Gorhá Kaysaraygá Kaysará bedayét o Hodáaygá Hodáyá bedayét.” Cha é passawá, á hayrán o habakkah mantant.

### Áherat o sáng o sur

(Mattá 22:22–33; Luká 20:27–40)

<sup>18–19</sup> Randá, lahtén Saduki, ke áheratay namannók ant, Issáyá kerrá átk o jostesh kort: “Oo ostád! Mussáyá pa má nebeshtag: *Agan kaséay sur kortagén bráté bé chokká bemerit o janózámí zendag bebit, gorhá áiy brát báyard ent gón á janózámá sur bekant tánke chokk o rand o ráhé pa wati brátá bellit.*<sup>1</sup><sup>20</sup> É dhawlá, hapt brát atant. Awali brátá jané gept o bé chokká mort,<sup>21</sup> gorhá domi brátá gón á janózámá sur kort, bale á ham bé chokká mort. Saymi brát ham, hamé dhawlá.<sup>22</sup> Cha haptén brátán hechkasá pa wat rand o ráhé naesht. Godhsará, á janén ham mort.<sup>23</sup> Nun taw begwash, áheratay róchá é janén kojám brátayga bit? Chiá ke har haptén brátán bárig bárigá gón áiá sur kortagat.”<sup>24</sup> Issáyá gwasht: “Shomá gomráh naét? Parchá ke na cha Pákén Ketábán chizé sarkecha warét o na Hodáay wák o zórá sarpada bét.<sup>25</sup> Mordag ke jáha janant, na sura kanant o na sur dayaga bant, ásmáni préshtagáni dhawlá bant.<sup>26</sup> Mordagáni padá zendag bayag o jáh janagay bárawá, záná shomá Mussáyá ketábá bon geptagén dhólokay<sup>u</sup> kessah nawántag, ke Hodáyá gón Mussáyá chón habar kort? *‘Man án, Ebráhémay Hodá, Eshákay Hodá o Ákubay Hodá.*”<sup>v</sup><sup>27</sup> Bezán á, mordagáni Hodá naent, zendagénáni Hodá ent. Shomá báz rad wártag.”

### Masterén hokm

(Mattá 22:34–40; Luká 10:25–28)

<sup>28</sup> Cha Sharyatay zánógerán yakké, áyáni é habarán gósh dáragá at o áiá máret<sup>w</sup> ke Issá sharr passaw dayagá ent, nazzik átk o josti kort: “Sharyatay masterén hokm kojám ent?”<sup>29</sup> Issáyá passaw dát: “Sharyatay masterén hokm esh ent: *‘Oo Esráíl! Gósh dár: Hodáwand, may Hodá, yektáén Hodá ent,* <sup>30</sup> *wati Hodáwandén Hodáyá, pa del, gón sajjahén ján o sáh, gón sajjahén pahm o pegr o gón sajjahén was o wáká dóst bedár.*”<sup>x</sup><sup>31</sup> Domi hokm esh ent: *‘Gón wati hamsáhegá wati jenday paymá mehr bekan.*”<sup>y</sup> Cha é doénán, dega masterén hokm nést.”<sup>32</sup> Gorhá, Sharyatay zánógerá gwasht: “Oo ostád! Taw sakk rást o sharr gwasht, pa rásti ke Hodá yakké o abéd cha áiá, Hodáé nést.<sup>33</sup> Áiá pa del, gón sajjahén pahm o pegr o sarjamén was o wáká dóst dárag o hamsáhegá wati jenday paymá mehr kanag cha sajjahén hayrátién sóchagi tohpah o sajjahén korbánigán sharter ent.”<sup>34</sup> Wahdé Issáyá dist áiá dánáén passawé dát, gwashti: “Taw cha Hodáay bádsháhiá dur naay.” Cha ed o rand, hechkasá del nakort cha Issáyá chizé jost bekant.

### Masih kai chokk ent?

(Mattá 22:41–46; Luká 20:41–44)

<sup>35</sup> Wahdé Issáyá, mazanén parasteshgáhá dars o sabaka dát, josti kort ke: “Sharyatay zánóger che paymá gwashant Masih Dáud bádsháhay chokk ent?”<sup>36</sup> Dáudá wat cha Hodáay Pákén Ruhay shobén o elhámá gwashtag:

<sup>t</sup>12:18–19 Sharyatay Domi Rahband 25:5 o rand.

<sup>u</sup>12:26 Dhólok, bezán gyábáni konthagí jarré ke polli espét ant.

<sup>v</sup>12:26 Dargwaz 3:6.

<sup>w</sup>12:28 Márag, bezán mahsus kanag.

<sup>x</sup>12:30 Sharyatay Domi Rahband 6:4 o rand.

<sup>y</sup>12:31 Láwián 19:18.

baddwái kort gimmortag.”<sup>22</sup> Issáyá passaw dát: “Hodáay sará báwar kanét,<sup>23</sup> shomará rásténa gwashán, agan kaséá setk o báwar bebit o é kóhá begwashit: ‘Watá cha edá chest kan o daryáay tahá dawr beday’ o wati gwashtagén habaray sará shakk mayárit, á wahdi pa áiá anchosha bit.<sup>24</sup> Paméshká shomará gwashán, harché wati dwáyáni tahá lóthét, báwar kanét ke Hodá shomay dwáyána mannit o hamá ke shomá lóthet, hamá dhawlá bit.<sup>25</sup> Wahdé pa dwáyá óshét o gón shomá kaséá gonáhé kortag, wati dwáay tahá áiá bebakshét, tánke shomay ásmáni Pet ham, shomay gonáh o mayarán bebakshit o pahell bekant.<sup>26</sup> Bale agan shomá mabakshét, shomay ásmáni Pet ham shomay gonáh o mayárána nabakshit.”<sup>m</sup>

### Issáy wák o ehtiár

(*Mattá 21:23–27; Luká 20:1–8*)

<sup>27</sup> Issá o áiay morid, padá Urshalimá átkant. Anchosh ke Issá mazanén parasteshgáhay péshjáhá gám janán at, mazanén dini péshwá, Sharyatay zánóger o kawmay kamásh áiay kerrá átkant.<sup>28</sup> Jostesh kort: “Taw gón kojám hakk o ehtiárá é kárána kanay? Kayá tará é káráni kanagay ehtiár dátag?”<sup>29</sup> Issáyá passaw dát o gwasht: “Maná ham cha shomá josté hast, mani passawá bedayét, tán man ham shomará begwashán gón kojám hakk o ehtiárá é kárána kanán.<sup>30</sup> Yahyáyá pákshódi dayagay ehtiár, cha ásmáná rasetagat yá cha ensánay némagá? Passaw bedayét!”<sup>31</sup> Áyán watmánwatá shawr o saláh kort o gwashtesh: “Agan begwashén cha ásmáná at, gorhá gwashit: ‘Pa ché áiay sará imánó nayáwort?’<sup>32</sup> Agan begwashén cha ensánay némagá at...?” É habaresh déma nabort chiá ke áyán cha mardomán torset, pa é háterá ke mardomán Yahyá barhakkén nabíé zánt.<sup>33</sup> Paméshká passawesh dát: “Má nazánén.” Issáyá gwasht: “Gorhá man ham shomará nagwashán ke gón kojám hakk o ehtiárá é kárána kanán.”

### Badén bágpánáni mesál

(*Mattá 21:33–46; Luká 20:9–19*)

**12**<sup>1</sup> Issáyá, randá gón mesál o darwar wati habar gón áyán bongéj kort o gwashti: “Mardéa anguri bágé addh kort. Áiay chapp o chágerdá pall o pasili bast, pa anguráni shiragay geragá kall o kombé jórhi kort o pa negahpániá yak borjé ham basti. Randá bági pa konandahkári o zamán<sup>o</sup> lahtén bágpánay dastá dát o wat separéa shot.<sup>2</sup> Wahdé anguray mósom but, áiá hezmatkáré zamánzurén bágpánáni kerrá ráh dát tán cha bágá kammé nibag byárit,<sup>3</sup> bale bágpánán é hezmatkár latth o kottth kort o gón hórk o háligén dastán per tarrent.<sup>4</sup> Gorhá, hodábond<sup>p</sup> dega hezmatkáré dém dát. Áyán, áiay sar ham próshet o bézzat kort.<sup>5</sup> Padá dega hezmatkáré rawáni dát o bágpánán á ham jat o kosht. Hamé dhawlá, áiá dega bázén hezmatkáré ráh dát, bale bágpánán lahtén jat o lahtén kosht.<sup>6</sup> Nun pa ráh dayagá gón áiá yakké pasht kaptagat, á ham áiay dóstén mardénchokk at. Godhsará, wati hamá chokki rawán dát, hayáli kort balkén áiay ruá bedárant.<sup>7</sup> Bale bágpánán watmánwatá gwasht: ‘Bágay mirás barók hamesh ent, byáét eshiá ham koshén, tánke melk o mirás may bebant.’<sup>8</sup> Paméshká gept o koshtesh o jónesh cha bágá dhann, dawr dát.”<sup>9</sup> Issáyá jost kort: “Nun shomay gománá bágay hodábond ché kant? Á kayt, bágpánána koshit o bágá dega bágpánáni dastá dant.<sup>10</sup> Záná, shomá Pákén Ketábá nawántag:

*Á seng ke bánbandén ostáyán<sup>a</sup> pasond nakort o nazort hamá seng, bonhesht<sup>t</sup> but.*

<sup>11</sup> *É Hodáwanday kár ent o gendagá delpasond o dhawldár ent.*<sup>ns</sup>

<sup>12</sup> Nun áyán lóthet Issáyá dazgir bekanant, chiá ke zántesh Issáyá é mesál hamáyáni bárawá áwortag, bale cha mardomána torsetesh. Gorhá cha áiay kerrá dar átk o shotant.

*o mardománi jórhéntagén ráh o rahbandán sója dayant.*<sup>k 8</sup> Shomá Hodáay hokm yalah dátagant o mardománi ráh o rahband geptagant.”

<sup>9</sup> Randá gwashti: “Shomá pa wati dód o rahbandáni kár bandagá Hodáay hokmáni yalah dayagay sharrén ráhé dar gétkag.<sup>10</sup> Chiá ke Tawrátay tahá Mussáyá gwashtag: *Wati pet o mátá sharap o ezzat beday. Harkas ke wati pet o mátá zá o dwá bedant, býad ent koshtag bebit.*<sup>11</sup> Bale shomá Sharyatay zánóger, mardomán chosh sója dayét ke yakké wati pet o mátá komak makant o begwashit: ‘Pahell kanét, á komak ke man býad ent shomará bedátén, Hodáay ráh korbánig kortag.’<sup>12</sup> Shomá á mardomá gón é sar o sójá, cha wati pet o máty komak kanagá makan o manaha kanét.<sup>13</sup> Shomá gón wati dód o rahbandáni barjáh dáragá, Hodáay habarána próshét o dega bázén hamé dhawlén kára kanét.”

<sup>14</sup> Padá áiá rombé mardom wati kerrá lóthet o gwashti: “Shomá mani habarán gósh bedáret o sarpad bebét.<sup>15</sup> Chizé ke mardomay lápá rawt áiá sell o nápáka nakant, bale chizé ke cha delá dara kayt, áiá nápáka kant.<sup>16</sup> Harkasá pa eshkonagá gósh hast, beshkont.”<sup>17</sup> Wahdé mardomi yalah dátant o lógá átk, moridán gwasht: “Mára é mesálay mull o morádé sarpad kan.”<sup>18</sup> Issáyá gwasht: “Shomá haminkadar násarpad ét? Hech warákéay warag mardomá sell o nápáka nakant,<sup>19</sup> chiá ke á delá narawt, lápá rawt o cha rótán dara bit.” Gón é mesálá, áiá gisshént ke sajjahén waragi chiz, helár o pák ant.<sup>20</sup> Padá gésh kanán gwashti: “Á chiz ke mardomá sell o nápáka kant, cha áiay del o daruná chesta bit o áiá nápáka kant,<sup>21</sup> chosh ke badén pegr o hayál, bénangi o bannámi, dozzi, hón o kósh, zená,<sup>22</sup> rozz bayag o tamah, badwáhi, mandr,<sup>m</sup> waylánki,<sup>n</sup> hasadd, kopr, takabbor o ahmaki.<sup>23</sup> É sajjahén palashti o gandagi, cha mardomay daruná sarchammaga gerant o áiá sell o nápáka kanant.”

### Darkawmén janénéay báwar

(*Mattá 15:21–28*)

<sup>24</sup> Issá cha ódá dar átk o Suray<sup>o</sup> sardhagará shot. Ódá lógéa shot o nalótheti kasé cha áiay áyagá sahig bebit, bale é hál chér dayag nabut.<sup>25</sup> Janéné ke áiay kasánén jeneká jenné per at, wahdé Issáyá áyagay háli eshкот, hamá damáná átk o áiay pádán kapt.<sup>26</sup> É janén Yunánié at o Suriyahay damag Pinikiahá pédá butagat. Áiá Issá mennat o dazbandi kort ke jenná cha jeneká dar bekant.<sup>27</sup> Issáyá gwasht: “Awalá býad ent chokk warag bwarant o sér bekanant, chiá ke cha chokkáni dastá nánay pach gerag o chokekáni déma dawr dayag sharr naent.”<sup>p 28</sup> Janená gwasht: “Oo Hodáwand! Taw rásta gwashay, bale chokek ham chokkáni parzónagay<sup>q</sup> sar árókén naganay thokkorána warant.”<sup>29</sup> Issáyá gwasht: “Taw sharrén passawé dát, beraw, tai jenekay jenn dar átkag.”<sup>30</sup> Wahdé janén lógá per tarret, disti ke jenek tahtay sará waptag o jenná yalah dátag.

### Karr o lellén mardéay drahbakshi

<sup>31</sup> Issá, cha Suray sardhagará per tarret, Sayduni gwázént, dém pa Jalilay mazangwarm o Dekápolisay sardhagará átk o raset.<sup>32</sup> Mardomán yak karrén mardé ke zobáni ham lell o checch at, Issáyá kerrá áwort o dazbandiesh kort ke wati dastá áiay sará per bemoshit.<sup>33</sup> Issáyá á mard cha mardománi mocchiá yak kerré bort o lankoki áiay góshán mán kortant. Randá áiay zobánay sará lebzi per mosht.<sup>34</sup> Ásmánay némagá cháreti, áh o ginsárté kasshet o gwashti: “*Effatah!*” (Bezán “pach bebu!”)<sup>35</sup> Hamá damáná, marday gósh pach butant, zobáni ham dráh but o pa sharri habar kanagá lagget.<sup>36</sup> Issáyá, mardom báz kaddhan kortant ke gón hechkasá é bárawá hecch magwashant, bale haminchok ke áiá pa habar nakanagá kaddhan kort, haminkadar géshter mardomán habar tálán kort.<sup>37</sup> Mardom báz hayrán atant o gón yakdomiá gwashtesh: “É chónén ajabén nékén kára kant, karráni góshán pacha kant o lelláni zobáná ham bójit.”

<sup>k7:7</sup> Eshayá Nabiay Ketáb, bahr 29, band 13.

<sup>l7:10</sup> Dargwaz, bahr 20, band 12; bahr 21, band 17.

<sup>m7:22</sup> Mandr, bezán repk, sázes, pachali.

<sup>n7:22</sup> Waylánki, bezán badkári, kahbagi.

<sup>o7:24</sup> Sur yak shahré.

<sup>p7:27</sup> Issáyá maksad esh naat ke é janén nápák ent. Áiay maksad esh at ke janénay báwar cha Yahudiáni báwará gésh ent.

<sup>q7:28</sup> Parzónag, bezán soprah.

<sup>m11:26</sup> Lahtén daznebeshtá, band 26 nést.

<sup>o12:1</sup> Konandahkári o zamán, bezán paymáncári, ejáray sará, thékah.

<sup>p12:4</sup> Hodábond, bezán wájah, wáhond, málek, sáheb.

<sup>q12:10</sup> Bánbandén ostá hamá ent ke lógay bandagá zántkár ent.

<sup>r12:10</sup> Bonhesht, bezán lógay awali hesht yá seng.

<sup>s12:11</sup> Zabur 118:22–23.

**Chár hazár mardomá warák dayag***(Mattá 15:32–39)*

**8**<sup>1</sup>Hamá róchán, yak baré padá Issáay gwará mardománi mazanén rombé yakjáh but. Áyán ward o warák gón naat. Paméshká, áiá wati morid lóthet o gwashtant: <sup>2</sup>“Maná é mardománi sará bazzaga bit. Say róch ent mani kerrá ant o nun pa waragá hecchesh nést. <sup>3</sup>Agan eshán gón shodigén lápa roksat bekanán, ráhá tosant o kapant, chiá ke lahtén cha durén jágahán átkag.” <sup>4</sup>Moridán passaw dát: “É barr o gyábáná pa inchok mardomay waráká, nán cha kojá byáren?” <sup>5</sup>Áiá cha moridán jost kort: “Shomárá chont nán gón?” Gwashtesh: “Hapt.” <sup>6</sup>Áiá mardom zeminay sará nendagay hokm dátant, haptén náni zortant, Hodáay shogri gept, chondh chondhi kort o moridáni dastá dátant, tánke mardománi démá ér bekanant. Moridán anchosh kort. <sup>7</sup>Áyáni kerrá lahtén hordén máhig ham hastat. Issáyá máhigáni sará ham Hodáay shogr gept o gón moridán gwashti ke mardománi démá ér bekanant. <sup>8</sup>Sajjahénán sérá wárt o randá cha sar átkagén chondhán, moridán hapt sapt porr kort. <sup>9</sup>Á mardom chár hazáray kesásá atant. Randá áiá mardom roksat kortant o <sup>10</sup>hamá wahdá gón wati moridán bójjigá nesht o Dalmánutahay sardhagará shot.

**Ásmáni neshániay lóthag***(Mattá 16:1–4)*

<sup>11</sup>Lahtén Parisi Issáay kerrá átk o gón áiá gapp o tráná nesht, tán áiá bechakkásant o dámá dawr bedayant. Gwashtesh: “Márá ásmáni neshánié pésh kan tán báwar kanén ke tará Hodáyá rawán dátag.” <sup>12</sup>Issáyá cha delá áh o ginsárté kasshet o gwashti: “É zamánagay mardom, chiá ásmáni neshánia lóthant? Báwar kanét ke áyán hech neshánié dayaga nabit.” <sup>13</sup>Gorhá Issáyá á eshtant, bójjigá swár but o dém pa gwarmay domi némagá shot.

**Hirudis o Parisiáni badén homir***(Mattá 16:5–12)*

<sup>14</sup>Moridán shamoshtagat gón wat nán bezurant. Bójjigá gón áyán yak náné hastat o bass. <sup>15</sup>Issáyá hokm kort o gwashtant: “Hozzhár bét! Cha Parisi o Hirudis bádsháhay homirá pahréz kanét.” <sup>16</sup>Á wadmánwatá habar kanagá laggetant ke: “Wájah é habará paméshká gwashtit ke má gón wat nán nayáwortag.” <sup>17</sup>Issáyá zánt o gwashti: “Chiá jérhagá ét ke ‘gón má nán nést’? Angata nazánét o sarpad nabutagét, shomay del inkadar sakk o seng ant?” <sup>18</sup>Shomárá chamm per ent, gorhá pa ché nagendét, gósh hast, bale góshán pacha nakanét ke beshkonét? Shomá shamoshtag <sup>19</sup>man che paymá gón panch naganá panch hazár mardom sér kort o shomá cha sar átkagén naganán, chont sapt porr kort?” Moridán passaw dát: “Dwázdah.” <sup>20</sup>Shomá nadist ke man hapt nán chondh chondh kort o chár hazár mardomá wárt o shomá cha sar átkagén naganáni chondhán, chont sapt porr kort? Áyán passaw dát: “Hapt.” <sup>21</sup>Issáyá gwasht: “Gorhá pa ché angat mani habarán sarkecha nawarét?”

**Issá kóréa biná kant**

<sup>22</sup>Wahdé Issá gón wati moridán Bayt-Saydáya sar but, yak kórén mardé áiy kerrá áwortesh o dazbandiesh kort ke wati dastá áiy sará per bemoshit. <sup>23</sup>Issáyá kóray dast gept, cha métagá dur bort o áiy chammáni sará lebzi per mosht. Randá wati dasti áiy chammáni sará ér kort o josti gept: “Taw chizé genday?” <sup>24</sup>Á mardá sar borz kort o gwashti: “Mardomán gendagá án, gwashay drachk ant ke soragá ant.” <sup>25</sup>Issáyá padá wati dast áiy chammáni sará per moshtant, é randá, áiy chamm pakká sharr butant o sajjahén chizi pa sharriá distant. <sup>26</sup>Nun Issáyá gwasht: “Tachkátachk wati lógá beraw o métagá mán matarr.”

**Petrosay mannag o gwáhi***(Mattá 16:13–20; Luká 9:18–21)*

<sup>27</sup>Issá gón wati moridán dém pa Kaysariah Pilipiay kallagán shot. Ráhá, cha wati moridán josti kort: “Mani bárawá mardom ché gwashant, man kay án?” <sup>28</sup>Áyán passaw dát: “Lahténa gwashtit taw pákshódókén Yahyá ay, lahténa gwashtit taw Elyás nabi ay. Dega lahténa gwashtit cha á dega nabíán yakké ay.” <sup>29</sup>Gorhá áiá jost kort: “Shomá wat mani bárawá ché gwashét, man kay án?” Petrosá passaw dát: “Taw Masih ay.” <sup>30</sup>Bale áiá hokm dátant: “É habará páshk makanét ke man Masih án.”

**Pa Issáay wasshátká***(Mattá 21:1–11; Luká 19:28–40; Yuhanná 12:12–19)*

**11**<sup>1</sup>Wahdé Urshalimay nazziká, Zaytunay kóhay dámoná Bayt-Páji o Bayt-Anyáay métagán rasetant, gorhá Issáyá do morid rawán dát o <sup>2</sup>gwashti: “Démi métagá berawét. Anchosh ke ódá rasét, korragén haré gendét ke bastag. Á korragá angat hechkas swár nabutag. Áiá bójét o edá byárét. <sup>3</sup>Agan kaséá jost kort ke: ‘Shomá ché kanagá ét,’ begwashét ke wájahá é korrag pakár ent o padá áiá zut pera tarrénit.” <sup>4</sup>Gorhá doén morid shot o korragé distesh ke darwázagay dapá bastagat. Bótkesh. <sup>5</sup>Cha ódá óshátatagén mardomán lahténá jost kort: “Shomá ché kanagá ét? Pa ché é korragá bójét?” <sup>6</sup>Anchosh ke Issáyá sój dátatagant, áyán hamá dáb gwasht. Gorhá, korragesh dát. <sup>7</sup>Korragesh Issáyá kerrá áwort o wati shál o cháderesh korragay poshtá ér kortant o Issá swár but. <sup>8</sup>Bázénéá Issáay wasshátk kanagá, áiy ráhay sará wati shál o cháder chérgéján kortant. Dega bázénéá, cha machkadag o dhagárán drachkáni thál o ták borret o ráhay sará ér kort. <sup>9</sup>Issáay péshromb o padrombén mardom, kukkár kanáná gwashagá atant:

“Hushiáná,<sup>g</sup>mobáarak bát hamá ke pa Hodáwanday námá kayt!<sup>h</sup><sup>10</sup>Shogr ent ke may bonpirok Dáuday bádsháhi padá barjáh dáraga bit.

Hushiáná, borzén arshál!”

<sup>11</sup>Gorhá Issá Urshalimá átk o mazanén parasteshgáhá shot. Ódá, áiá parasteshgáhay chárén kondháni har chiz cháret. Bale paméshká ke béwahd at, gón wati dwázdahén moridán Bayt-Anyáyá shot.

**Enjiray drachkay hoshk bayag***(Mattá 21:18–19)*

<sup>12</sup>Domi róchá, wahdé Issá o áiy morid cha Bayt-Anyáyá dar kaptant, ráhá Issá shodig but. <sup>13</sup>Áiá cha durá enjiray drachké dist ke táki sabz o baz atant. Drachkay nazziká shot tán begendit bárén bar ent yá na. Bale wahdé raset, abéd cha táká dega hecchi nadist, chiá ke enjiray baray mósom naat.<sup>i</sup> <sup>14</sup>Gorhá gón drachká gwashti: “Cha ed o rand, hechkas cha taw baré mawarát.” É habar moridán eshket.

**Cha mazanén parasteshgáhá sawdágeráni dar kanag***(Mattá 21:12–17; Luká 19:45–48; Yuhanná 2:13–22)*

<sup>15</sup>Anchosh ke Urshalimá sar butant, Issá mazanén parasteshgáhay péshjáhá<sup>j</sup> shot o ódá sawdáger o grákáni<sup>k</sup> gallénag o dar kanagá goláesh but. Zarr badal kanókéen sarrápáni mizz o barónki chappig kortant o kapót bahá kanókéni korsi o tahtagi dawr dátant. <sup>16</sup>Mazanén parasteshgáhay péshjáhá, tájeráni málay barag o áragay ejázati ham nadát. <sup>17</sup>Mardomi sar o sój kortant o gwashti: “Záná, Hodáay Ketábá nebisag nabutag: *Mani lóg sajjahén kawmáni dwá o parasteshay jágah bébit*,<sup>l</sup> bale shomá dozzbázaré kortag.” <sup>18</sup>Wahdé mazanén dini péshwá o Sharyatay zánógerán é habar eshket, áiy kosghay johdesh kort. Bale torsetesh, chiá ke sajjahén mardom cha Issáay sar o sóján gón hayraté bah mantagatant. <sup>19</sup>Róchay érnendá, Issá o áiy morid cha shahrá dar kaptant.

**Enjiray drachkay ebrat***(Mattá 21:20–22)*

<sup>20</sup>Domi róchá paggáh,<sup>m</sup> ráhá hamá enjiray drachkesh dist ke nun cha boná hoshk butagat. <sup>21</sup>Petros, Issáay pésarigén habaray yát o tránagá kapt o gwashti: “Wájah! Bechár, é drachk ke taw

<sup>g</sup>11:9 Hushiáná, bezán “márá annun berakkén”.<sup>h</sup>11:9 Zabur 118:26.<sup>i</sup>11:13 Enjiray bémósomén baré ham hast ke áiá sohayliga gwashant o shodigén mardom géshter áiá warrant. Edá, pa Issáay mannagá Urshalimay tayár nabayag, bébarén enjiray drachkay tábiré. Urshalim ham, é enjiray drachkay dhawlá, sál 70 Miládiá bérán o tabáh but.<sup>j</sup>11:15 Péshjáh, bezán péshgáh, lógay chárdiwál, sahn.<sup>k</sup>11:15 Grák, bezán á ke sawdá zurit. Arabi o Pársiá “moshtari, kharidár”.<sup>l</sup>11:17 Eshayá Nabiay Ketáb 56:7.<sup>m</sup>11:20 Paggáh, bezán máhallah.

kant?”<sup>27</sup> Issáyá padá á cháretant o gwashti: “Pa ensána nabuteni ent, bale pa Hodáyá chosh naent, chiá ke Hodáyá dastá har chiz buta kant.”

<sup>28</sup> Gorhá Petros gwashagá lagget: “Má wati har chiz yalah dátag o tai randgiriá kanagá én.”

<sup>29</sup> Issáyá passaw dát: “Báwar kanét, agan kaséa pa man o pa mani wasshén mestágá wati lóg, brát o gohár, mát o pet, chokk yá mál o dhagár yalah dátagant o mani randgirií kortag, <sup>30</sup> Hodá áyáni badalá sad barábar géshtera dant. Hamé jaháná, gón sakki o sóriáni hamráhiá, lóg, brát o gohár, mát, chokk, mál o dhagár áia rasit o á dega jaháná ham abadmánén zenday wáhonda bit. <sup>31</sup> Bale bázéné ke awali ent, áheria bit o hamá ke áheri ent, awalia bit.”

### Issáy markay saymi péshgói

(Mattá 20:17–19; Luká 18:31–34)

<sup>32</sup> Issá, pésar o morid áiy hamráhiá, Urshalimay némagá rawagá atant. Morid, hayrán o bah mánag atant o á dega hamráhani delá, tors o bimmé wadi butagat. Issáyá á dwázdahén morid kerréa bort o gwashtant ke gón áia ché bayagi ent. <sup>33</sup> “Nun má Urshalimá rawagá én, ódá Ensánay Chokká gerant o mazanén dini péshwá o Sharyatay zánógeráni dastá dayant. Áiy markay hokmá borrant o darkawmén mardománi dastá dayanti. <sup>34</sup> Darkawmén mardom áiy sará rishkand o maskará kanant, sar o démá toha janant,<sup>e</sup> shallák o hayzaránia janant o koshti, bale say róchá rand, zendaga bit o jáha jant.”

### Naráhén wáhag

(Mattá 20:20–28)

<sup>35</sup> Zebdiay doén chokk Ákub o Yuhanná, Issáy kerrá átkant o gwashtesh: “Oo ostád! May wáhag hamesh ent, á chiz ke cha taw lóthén márá bedayay.”<sup>36</sup> Áia passaw dát: “Ché lóthét?”<sup>37</sup> Gwashtesh: “Wahdé tai bádsháhia kayt, wati porshawkatén diwáná, cha má yakkéa wati rástén o á degará chappén némagá benedárén.”<sup>38</sup> Issáyá passaw dát: “Shomá nazánét ché lóthagá ét. Bárén, shomará é twán hast, á jámá ke man nósha kanán benóshét o á pákshódia ke mana kanán bekanét?”<sup>f</sup> <sup>39</sup> Gwashtesh: “Ji haw, é kára korta kanén.” Issáyá gwasht: “Démterá, shomará é jám nóshagi o é pákshódi ham kanagi ent, <sup>40</sup> bale bezánét ke é cha mani ejázatá dar ent o gwashta nakanán kay mani rástén o kay chappén némagá nendit. É jágah, hamáyánig ant ke pa áyan gishshénag butagant.”<sup>41</sup> Wahdé á dega dahén moridán é habar eshkot, Ákub o Yuhannáay sará zahr geptant. <sup>42</sup> Gorhá, Issáyá sajjahén morid lóthetant o gwashti: “Shomá zánét ke darkawmáni hákem mardománi sará hákemia kanant o kawmáni master chérdastáni sará wati ehtiárá kára bandant. <sup>43</sup> Bale shomá chosh makanét, cha shomá harkas ke mazania lóthit, báyard ent sajjahénáni hezmatkár bebit o <sup>44</sup> cha shomá harkas ke masteria lóthit, sajjahénáni kaster o dazbój bebit. <sup>45</sup> Hamé dhawlá, Ensánay Chokk nayátkag ke mardom áiy hezmatá bekanant, átkag ke mardománi hezmatá bekant o gón wati sáhay dayagá, bázénéa berakkénit.”

### Kórén Bártimáusay drahbakshi

(Mattá 20:29–34; Luká 18:35–43)

<sup>46</sup> Gorhá, Ariháay shahrá átkant. Wahdé Issá gón wati morid o dega bázén mardománi hamráhiá, cha Ariháya dar kapagá at, ráhay sará, yak kórén pendhógeré neshtagat ke námi Bártimáus at o Timáusay chokk at. <sup>47</sup> Wahdé Bártimáus sahig but, Issá Náseri ent ke cha hamé ráh gwaszagá ent, gwánki jat o gwashti: “Issá, oo Dáud bádsháhay chokk! Tará mani sará bazzag bát.”<sup>48</sup> Lahténá hakkal kanáná gwasht: “Bétawár bay!” Bale áia géshter kukkár kort: “Oo Dáud bádsháhay chokk! Tará mani sará bazzag bát.”<sup>49</sup> Issá óshtát o gwashti: “Tawári kanét.” Mardomán á kór tawár kort o gwashtesh: “Delá mazan kan! Pád á, byá ke tará tawár kanagá ent.”<sup>50</sup> Bártimáusá wati kabáh kerré dawr dát, koppi kort o Issáy gwará átk. <sup>51</sup> Issáyá jost kort: “Ché lóthay? Man pa taw ché bekanán?” Gwashti: “Oo ostád! Mana lóthán biná bebán.”<sup>52</sup> Issáyá gwasht: “Beraw ke tai imáná tará dráh kort.” Kór, hamá damáná biná but o Issáy hamráhiá rawán but.

<sup>e</sup>10:34 Toh janag, bezán tok janag.

<sup>f</sup>10:38 Issáyá maksad cha jám o pákshódia wati markay jám, bezán salibay sakki o sóriáni saggag ent.

### Wati markay bárawá, Issáy awali péshgói

(Mattá 16:21–23; Luká 9:22)

<sup>31</sup> Randá, Issá moridán sar o sój dayagá at o gwashti: “Ensánay Chokk báyard ent bázén sakki o sóri besaggit. Kawmay kamásh, mazanén dini péshwá o Sharyatay zánóger allamá áia mamannant o bekóshárénant o say róchá rand padá zendag bebit.”<sup>32</sup> Wahdé Issáyá é sajjahén habar pa tachki o paddari darshán kortant, Petrosá á yak kerré bort o gwashti: “Oo wájah! Dega baré choshén habar makan.”<sup>33</sup> Bale Issáyá chakk tarént, moridáni némagá cháret o Petrosi hakkal dát o gwashti: “Oo Shaytán! Cha mani démá dur bay. Tai hayál Hodái hayálé naent, ensáni hayálé.”

### Issáy randgiri

(Mattá 16:24–28; Luká 9:23–27)

<sup>34</sup> Issáyá, sajjahén mahluk o morid lóthetant o gwashti: “Agan kasé lóthit mani randgiriá bekant, báyard ent wati delay sajjahén lóth o wáhagán yalah bedant o pa sáhay nadr kanagá, wati jenday salibá baddhá bekant o mani ráhá gám bejant. <sup>35</sup> Chiá ke, agan kasé wati sáhay rakkénagá johd bekant, áia báhénit, bale harkas pa man o mani wasshén mestágá wati sáhá báhénit, áia rakkénit. <sup>36</sup> Agan yakkéa sajjahén donyá berasit bale wati sáhá bebáhénit, chónén sóbé bárt o ché katthetá<sup>r</sup> kant? <sup>37</sup> Mardom pa wati sáhá che kimmaté dáta kant? <sup>38</sup> Agan kasé é béwapá o radkárén ahd o zamánagá cha man o mani habarán lajj<sup>s</sup> bekant, gorhá Ensánay Chokk ham, wahdé Hodáyá pakén préshtagáni hamráhiá gón Petay mazanén shán o marháhá padá kayt, cha áia lajja kant.”

<sup>9</sup><sup>1</sup> Issáyá gón áyan gwasht: “Báwar kanét, cha shomá lahtén ke annun edá óshtát, tán Hodáyá bádsháhia gón sajjahén wák o kodratá nagendit, markay támá nachashit.”

### Issáy dém o dróshomay drapshnáki

(Mattá 17:1–13; Luká 9:27–36)

<sup>2</sup> Cha é habarán shash róchá rand, Issáyá Petros o Ákub o Yuhanná wati hamráh kort o yak borzén kóhéay sará pa halwat o ehwaté bortant ke ódá dega kass mabit. Áyáni démá, Issáy rang o dróshom badal but o <sup>3</sup> áiy póshák, anchosh espét butant ke jahánay hech godshódé godán é dhawlá espét o jalashkók korta nakant. <sup>4</sup> Á wahdi, Elyás o Mussá záher butant o gón Issáyá gapp o habarash kort. <sup>5</sup> Petrosá gón Issáyá gwasht: “Wájah! May edá bayag sakk sharr ent, bell ke má say sáheg o kápára<sup>t</sup> bandén, yakké pa taw, yakké pa Mussá o degaré pa Elyás.”<sup>6</sup> Petrosá nazánt ché begwashit, chiá ke cha torsá sakk larzagá atant, <sup>7</sup> bale hamá damáná jambaréa<sup>u</sup> áyáni sará sáheg kort o tawaré rost: “É mani dóstén Bacch ent, eshiay habarán gósh bedárét!”<sup>8</sup> Anágat,<sup>v</sup> moridán chapp o chágerdá cháret, bale abéd cha Issáyá dega hechkasesh nadist.

<sup>9</sup> Cha kóhá ér kapagay wahdá, Issáyá hokm kortant: “Tán á wahdá ke Ensánay Chokká cha mordagán jáh najatag, wati é distagénáni bárawá hechkasá hál madayét.”<sup>10</sup> Á, é habaray sará bah mant<sup>w</sup> o watmánwat jérhagá atant ke cha mordagán jáh janag o zendag bayagay máná chi ent? <sup>11</sup> Gorhá jostesh kort: “Sharyatay zánóger chiá gwashant ke cha Masihay áyagá pésar, báyard ent Elyás nabi byayt?”<sup>12</sup> Issáyá passaw dát: “Sharyatay zánógeráni habar rást ent ke Masihay áyagá pésar, Elyás nabi padá kayt o sajjahén káran gwam o géga kant. Bale ásmáni ketábán pa ché chosh átkag ke Ensánay Chokk báyard ent báz sakki o sóri besaggit o mardom áia mamannant?”<sup>13</sup> Elyás nabiay bárawá shomará begwashán ke á padá átk o anchosh ke Hodáyá ketábán péshgói kanag butag, har dhawl áyáni delá lóthet, gón áia hamá dhawlesh kort.”

### Jenni bachakéay drahbakshi

(Mattá 17:14–21; Luká 9:37–43)

<sup>14</sup> Wahdé Issá o sayén morid per tarret o é dega moridáni kerrá átkant, mardománi mazanén rombé distesh. Lahtén Sharyatay zánóger ham hamódá at o gón moridán, jérhag o gapp o tráná at.

<sup>r</sup>8:36 Katthag, bezán nap o sudd kanag, dastá árag.

<sup>s</sup>8:38 Lajj, bezán sharm, hajálat.

<sup>t</sup>9:5 Kápár, kápar, kapar.

<sup>u</sup>9:7 Jambar, bezán abr.

<sup>v</sup>9:8 Anágat, bezán yak anágat, achának, nágahán.

<sup>w</sup>9:10 Bah mánag, bezán sakk hayrán bayag, boh bayag.

<sup>15</sup> Anchosh ke mahluká Issá dist, báz hayrán butant o tacháná áiy némagá átkant o wasshátkesh kort. <sup>16</sup> Áiá jost kort: “Shomá cha kojám sarhálán gapp o trán kanagá ét?” <sup>17</sup> Cha rombaw nyámá, mardéá passaw dát: “Ostád! Man wati bachak tai gwará áwortag. Á habar korta nakant, chiá ke yak gongén ruhéay asir o bandig ent. <sup>18</sup> Wahdé jenn áiá gipt, zeminá dawria dant, dapi kap o gajja bit, dantána droshit o konth o hoshka bit. Man tai morid gwashtant ke áiá dráh kanant o jenná dar bekanant, bale áyán kasshet nakort.” <sup>19</sup> Issáyá gwasht: “Oo bébáwarén nasl o padréch! Man tán kadéná gón shomá bemánán o besaggán? Chokká mani kerrá byáré!” <sup>20</sup> Gorhá bachakesh áwort, bale anchosh ke jennay chamm pa Issáyá kaptant, bachaki pretk o zhámbalént o dhagará dawr dát. Á, léth warán kap o gajj but. <sup>21</sup> Issáyá cha áiyay petá jost kort: “Chont wahd ent ke é dhawlá ent?” Petá passaw dát: “Cha kasániá hamé dhawlá ent. <sup>22</sup> Báz randá, jenn áiá pa koshagá ás o ápá dawra dant. Agan tai dastá buta kant, má bazzag én, madat kan.” <sup>23</sup> Issáyá gwasht: “Ché gwashay? Agan mani dastá buta kant? Á ke báwara kant, pa áiá har chiz buta kant.” <sup>24</sup> Bachakay petá hamá damáná kukkár kort o gwashti: “Maná báwar ent, agan mani báwar nezór ent, komak bekan tán porzórter bebit.” <sup>25</sup> Wahdé Issáyá dist mahluk cha har némagá tachán áiyay kerrá pédák ent, jenni hakkal dát o gwashti: “Oo karr o lellén jenn! É bachaká yalah day o padá hechbar eshiay jesm o jáná mapoter.” <sup>26</sup> Gorhá jenná krinzhagé jat o bachaki zhámbalént o yalah dát. Bachak mordagay dhawlá kapt. Bázéné gwashagá at ke bachak mortag. <sup>27</sup> Bale Issáyá áiyay dast gept o pádi kort. Á pád átk o óshát. <sup>28</sup> Wahdé Issá lógá raset, moridán halwatá cha áiá jost kort: “Má chiá é bachakay jenn kasshet nakort?” <sup>29</sup> Áiá passaw dát: “É dhawlén jenn, abéd cha dwá kanagá<sup>x</sup> dara nabant.”

### Issáyay markay domi péshgói

(Mattá 17:22–23; Luká 9:43–45)

<sup>30</sup> Issá o áiyay moridán á jágah yalah dát o cha Jalilá gwastant, bale Issáyá nalóthet kasé bezánt á kojá ent, <sup>31</sup> chiá ke wati moridáni sar o sój dayagá goláesh at. Gwashti: “Ensánay Chokk dróhaga bit o anchén mardománi dastá dayaga bit ke koshanti, bale say róchá rand, padá zendaga bit o jáha jant.”<sup>y</sup> <sup>32</sup> Bale morid áiyay é habará sarpad nabutant o cha áiá jost kanagesh ham torset.

### Mazani chi ent?

(Mattá 18:1–5; Luká 9:46–48)

<sup>33</sup> Padá Kaparnáhumá átkant. Wahdé Issá lógá at, cha moridán josti kort: “Shomá ráhá ché gwashagá atét?” <sup>34</sup> Bale áyán passaw nadát o bétawár butant chiá ke ráhá, watmánwat é habará atant ke: “Báren, may nyámá sajjahénáni master o kamásh kay ent.” <sup>35</sup> Gorhá Issá nesht, dwázdahén moridi lóthetant o gwashti: “Á kas ke masteria lóthit, báyard ent watá cha sajjahénán kaster bezánt o sajjahénáni hezmatkár bebit.” <sup>36</sup> Gorhá, yak kasánén chokké áyáni nyámá óshtarénti, baddhá kort o gwashti: <sup>37</sup> “Harkas pa mani námá, gón washwáhagi é dhawlén chokké wati gwará bedárit, bezán áiá maná dáshtag. Harkas maná bedárit, bezán hamá ásmáni Peti dáshtag ke maná ráhi dátag.”

### Á ke may badwáh naent, gón má ent

(Luká 9:49–50)

<sup>38</sup> Yuhannáyá gón Issáyá gwasht: “Ostád! Má yak mardé dist ke gón tai námay geragá, cha mardomán palitén ruhán dara kant, bale má á makan o manah kort, chiá ke á mard cha má naat.” <sup>39</sup> Issáyá gwasht: “Na, é kára makanét, chiá ke harkas gón mani námá mójegah o ajekkáié kant, á wat padá maná bad gwashata nakant o <sup>40</sup> á ke may badwáh naent gón má ent. <sup>41</sup> Agan kasé é námay sawabá shomará tásé áp bedant ke shomá Masihayg ét, allam bezánét ke áiá wati mozza rasit.

### Chakkás o hatáay bárawá

(Mattá 18:6–10; Luká 17:1–2)

<sup>42</sup> “Harkas, cha é kasánokénán ke mani sará báwarmand ant yakkéa dém pa gonáhá bebárt, pa áiá gehter ent ke jenterí táé áiyay gardená bebándant o daryáyá chagali bedayant. <sup>43</sup> Agan tai dasté tará dém pa gonáhá bebárt, áiá borrh. Chiá ke gón doén dastán tahtarunay<sup>z</sup> dáemi ásá kapagay badalá,

sharter hamesh ent ke gón yak dasté, namiránén zenday wáhond bebay. <sup>44</sup><sup>a45</sup> Agan tai páde tará dém pa gonáhá bebárt, áiá borrh. Chiá ke gón doén pádán tahtaruná kapagay badalá, sharter hamesh ent ke gón yak páde namiránén zenday wáhond bebay. <sup>47</sup> Agan tai chammé tará dém pa gonáhá bebárt, áiá dar kan. Chiá ke gón doén chammán tahtaruná kapagay badalá, sharter hamesh ent ke gón yak chammé Hodáay bádsháhiá bepoteray. <sup>48</sup> Hamá tahtarun, ke ódá warókén kerm hechbara namerant o ás hechbar sárt o érmósha nabit. <sup>49</sup> Chiá ke harkas cha ásá wádók kanaga bit. <sup>50</sup> Wád sharr ent, bale agan áiyay tám gár bebit, shomá chón áiá padá wádóka kanét. Shomá ham watá wádók o támdár kanét o gón yakdegará pa sohl o émeni zend begwázénét.”

### Sur o sawnay bárawá

(Mattá 19:1–12; Luká 16:18)

**10** <sup>1</sup> Issá, cha ódá dar átk o dém pa Yahudiahay damag o Ordonay kawray domi pahnátá shot. Ódá, padá mardománi bázén rombé átk o áiyay kerrá mocch but. Á, wati hél o ádatay sará, mardománi sar o sój dayagá goláesh but. <sup>2</sup> Lahtén Parisi átk o pa áiyay chakkásagá jostesh kort: “Báren, rawá ent ke mard wati janay talák o sawnán bedant?” <sup>3</sup> Issáyá passaw dát: “Mussáyá shomará ché hokm kortag?” <sup>4</sup> Áyán passaw dát: “Mussáyá razá dátag ke mard pa wati janay sawn dayagá, taláknámahé benebisit o áiá begísshénit.” <sup>5</sup> Nun Issáyá gwasht: “Mussáyá pa shomay sengdeliay sawabá é dhawlá hokm dátag. <sup>6</sup> Bale jahánay jórhenagay wahdá, *Hodáyá ensán mardén o janén addh kortag.* <sup>7</sup> *Paméshká, mard cha wati pet o mátá jetá o gón wati janá hór o yakjáha bit.* <sup>8</sup> *Mard o jan, yak jesm o jána bant.*<sup>b</sup> é paymá, nun á do naant, yak jesm o ján ant. <sup>9</sup> Paméshká, á ke Hodáyá yakk kortagant, ensán áyán jetá makant.” <sup>10</sup> Lógá ke shotant, moridán cha áiá é bárawá jost kort. <sup>11</sup> Gwashti: “Kasé ke wati janénay sawn o taláknána dant o gón dega janénéa sur o sánga kant bezán ke á, gón wati nókén janá zená kanagá ent. <sup>12</sup> Hamé dhawlá, agan janéné cha wati mardá sawn begipt o gón dega mardéa sáng o sur bekant, á ham zená kanagá ent.”

### Issá o kasánén chokk

(Mattá 19:13–15; Luká 18:15–17)

<sup>13</sup> Yak róché, mardomán wati kasánén chokk, Issáay kerrá áwortant ke wati dastá áyáni sará bemoshit, bale moridán neherr o hakkal dátant. <sup>14</sup> Issáyá ke chosh dist nárazá but o gón moridán gwashti: “Chokkán bellét mani kerrá byáyant, áyáni démá madaré, chiá ke Hodáay bádsháhi anchén mardománig ent. <sup>15</sup> Shomará rásténa gwashán, á ke Hodáay bádsháhiá chokkáni paymá mamannit, hechbar ódá pád ér korta nakant.” <sup>16</sup> Randá Issáyá chokk wati kothá nendáréntant, dasti per mosht o barkati dátant.

### Zardáren warná o namiránén zend

(Mattá 19:16–30; Luká 18:18–30)

<sup>17</sup> Wahdé Issáyá wati ráh gept o shot, yak mardé tacháná átk, kóndhán kapt o josti kort: “Oo nékén ostád! Man chón bekanán ke namiránén zenday wáhond bebán?” <sup>18</sup> Issáyá gwasht: “Taw maná ‘nékén’ pa ché gwashay? Abéd cha Hodáyá, kass nék naent. <sup>19</sup> Hodáay hokmán ham taw zánay: *Hón makan, zená makan, dozzi makan, drógén sháhedí maday, degaray mála mawar, wati pet o mátá ezzat beday.*”<sup>c</sup> <sup>20</sup> Mardá passaw dát: “Oo ostád! Hodáay é hokm o parmánán, man cha kasániá kárband kanagá án.” <sup>21</sup> Gorhá, Issáyá pa mehré áiyay némagá cháret o gwashti: “Tará angat yak káre kanagi ent, beraw wati sajjahén mál o hastiá bahá kan o zarrán garib o nézgáren mardománi sará bahr kan, é paymá tará ásmáni ganjé rasit. Gorhá byá o mani randgiriá bekan.” <sup>22</sup> Cha é habará, démi pazhmordah, gamig o paréshán but o shot. Chiá ke á sér o azgáren mardé at.

<sup>23</sup> Issáyá cháren némagán cháret o gón wati moridán gwashti: “Pa máldáren mardomán, Hodáay bádsháhiá pád ér kanag sakk grán ent.” <sup>24</sup> Áiyay morid cha é habarán hayrán butant. Issáyá padá gwasht: “Oo mani chokkán! Hodáay bádsháhiá pád ér kanag,<sup>d</sup> sakk grán ent. <sup>25</sup> Cha suchenay domká oshteray gwazag wa báz grán ent, bale Hodáay bádsháhiá, zardáren mardomay rawag angat gránter ent.” <sup>26</sup> Mordid, géshter hayrán butant o gón yakdomiá gwashtesh: “Gorhá kay rakketa

<sup>x</sup>9:29 Lahtén daznebeshtá átkag: abéd cha dwá kanag o róchag geragá.

<sup>y</sup>9:31 Jáha jant, bezán zendaga bit o páda kayt.

<sup>z</sup>9:43 Tahtarun, bezán jahannam, dózah.

<sup>a</sup>9:44 Lahtén daznebeshtá band 44 o 46 hastant, lahténá néstant. É doén band gón chel o hashtomi bandá yakk ant.

<sup>b</sup>10:8 Pédáesh, bahr 1, band 27; bahr 2, band 24.

<sup>c</sup>10:19 Dargwaz, bahr 20, band 12 o rand.

<sup>d</sup>10:24 Lahtén daznebeshtá gésh kanag butag: pa áyán ke zarr o málay sará ehtebára kanant.